



衛生家寶產科備要

二





衛生家寶產科備要

(二)

朱端章編

叢書集成初編

(補印本)

產育寶慶集及其他一種

二 冊

一九三九年十二月初版
一九六〇年一月補印

商務印書館出版

上海市印刷六廠印刷

衛生家寶產科備要卷第四

產育保慶集方。余收產論二十一篇。議論精確。無所不究。蓋國醫博極方書所得之妙。惜乎有其說而無其方。郭君稽中為時良醫。尤長於治產。故其切脈用藥。屢取奇功。一日願以所收家方。附於諸論之末。遂編為一集。真濟衆之異書也。古人謂為人子而不學醫者為不孝。則有方論而不傳於世者。其可謂之仁哉。大觀三年九月五日濮陽李師聖述。

二十一論并增入十八論。

李師聖編論。郭稽中附方。

第一論曰。熱疾胎死腹中者何。答曰。因母患熱疾。至六七日以後。臟腑熱極。薰蒸其胎。是以致死。緣兒死身冷。不能自出。但服黑神散。煖其胎。須臾胎氣溫煖。即自出。何以知其胎之已死。但看產婦舌色青者。是其驗。黑神散方。

●黑神散

桂去蘆皮。不見。

當歸洗去蘆須。

芍藥洗。

甘草炙。

生乾地黃溫湯洗淨。剉。焙。忌冷水。

乾薑用。

炒生薑。

代之。各一兩。

附子半兩。炮去皮。臍。

雄黑豆二兩。小者是。炒。焦去皮。

右為末。每服一錢匕。空心溫酒調下。

蒲黃黑神散 此方十八論云。產前產後一切疾。皆治之。

雄黑豆二兩 小者是。炒。去皮。秤。 當歸 洗去蘆并須。切。焙。 芍藥 洗。剉。 甘草 炙。 乾薑 炮。 肉桂 去皮。剉。不見火。

生乾地黃 溫湯洗。剉。焙。忌冷水。 蒲黃 銀石器內微炒令赤。或以紙灑銚子內。炒紙黃爲度。 各一兩

右爲末。每服二錢。空心溫酒調下。若三十已下及生產少婦人。不用桂。乾薑。入炒生薑。紅花代之。生薑。紅花各用二兩。經洗者。並焙乾。

第二論曰。胎衣不下者何。

答曰。母生子訖。血流入衣中。衣爲血所脹。是故不得下。治之稍緩。脹滿腹中。漸次上衝。心胃疼痛。喘急者。難治。但服奪命丹。以速去衣中之血。血散脹消。胎衣自下而無所患。

奪命丹

附子半兩 炮。去皮。臍。切。 牡丹皮一兩 洗。 乾漆一分 搗碎。炒。煙盡。

右爲末。釀醋一升。大黃末一兩。同熬成膏。和藥如桐子大。溫酒下五七圓。不以時候。

又十論云。但服蒲黃黑神散。逐去衣中血。卽胎下。或帶斷亦同。

第三論曰。難產者何。

答曰。胎側有成形塊。呼爲兒枕。子欲生時。枕破。與敗血裹其子。故難產。但服勝金散。逐其敗血。卽自生成。若逆生。橫生。並皆主之。

●勝金散

麝香一錢。先研為細末。

鹽鼓一兩。用舊青布裹了。燒令通紅。急以乳槌研為末。

右為末。取秤搥燒紅。以酒淬之。調下藥一錢匕。

又十八論云。但服蒲黃黑神散。解其敗血。即自生也。或橫生。逆生。胎衣不下。此藥悉治。

第四論曰。產後血運者何。

答曰。產後氣血暴虛。未得安靜。血隨氣上。迷亂心神。故眼前生花。極甚者令人悶絕。不知人。口噤。神昏。氣冷。醫者不識。呼為暗風。若作此治之。病必難愈。但服清魂散自瘥。

●清魂散

澤蘭葉揀淨

人參去蘆

各一分

荊芥穗一兩曬

芎半兩洗剉

甘草二錢炙剉

右為細末。每服一錢匕。熱湯溫酒各小半盞調勻。急灌之。下咽喉。即開眼。氣定。省人事。

又十八論云。但服蒲黃黑神散自瘥。

第五論曰。產後口乾痞悶者何。

答曰。產後宮胃大虛。血氣未定。食麵太早。胃不能消化。麵毒結聚於胃脘。上薰胃中。是以口乾。煩渴。心下痞悶。醫者不識。認為胃膈壅滯。以藥下之。萬不得一。但服見睨圓自瘥。

●見睨圓

薑黃片子者

荊三稜煨·乘熱攪碎·焙乾用

萹澄茄不得用火炒

陳皮去白

高良薑剉碎

人參去蘆切片

蓬莪茂煨·乘熱攪碎·焙乾用

右七味等分爲末用細切蘿蔔慢火煮令爛研細將汁煮糊圓梧桐子大每服三十圓蘿蔔湯下不以時候

又十八論云但服蒲黃黑神散自瘥

第六論曰產後乍寒乍熱者何

答曰陰陽不和敗血不散皆令乍寒乍熱產後血氣虛損陰陽不和陰勝則乍寒陽勝則乍熱陰陽相乘則或寒或熱若因產勞傷臟腑血弱不得宣越故令血敗不散入於肺則熱入於脾則寒醫人若誤作瘧疾治之則繆矣陰陽不和宜增損四物湯敗血不散宜奪命丹

又問二者何以別之

答曰時有刺痛者敗血也但寒熱無它證者陰陽不和也

增損四物湯

當歸洗去土并蘆須·切·焙

芍藥洗

人參去蘆切片

川芎洗

各一兩

甘草四錢炙

乾薑一兩

宜用生薑代之

右爲末每服二錢匕水一盞生薑五片同煎六分去滓微熱服不以時候

奪命丹見第二論。

又十八論云。但服蒲黃黑神散自瘥。

第七論曰。產後四肢虛腫者何。

答曰。產後敗血乘虛停積於五臟。循經流入於四肢。留淫日深。卻還不得。腐壞如水。故令四肢面目浮腫。醫人不識。便作水氣治之。血氣與水氣不同。凡治水氣。多用導水藥。極虛之。夫產後既虛。又以藥虛之。是謂重虛。往往因致天枉。但服調經散。血行腫消即愈。

◎調經散

沒藥另研

琥珀研 各一錢

桂去蘆皮。不見火。剉。

芍藥赤者。洗。剉。

當歸去蘆須。切。 各一錢

細辛

去葉。剉。

麝香研 各半錢

右爲末。每服半錢匕。生薑汁。溫酒各少許。調勻服之。

又十八論云。但服蒲黃黑神散後。服轉藥。瀉下惡物。自瘥。轉藥是黑神圓。在第十二論後。

第八論曰。產後乍見鬼神者何。

答曰。心主身之血脈。因產傷耗血脈。心氣則虛。敗血停積。上干於心。心不受觸。遂致心中煩躁。臥起不安。乍見鬼神。言語顛倒。醫工不識。呼爲風邪。如此治之。必不得愈。但服調經散。每服加生龍腦一捻。得睡即安。方見第七論。

又十八論云。但服蒲黃黑神散。自安。

第九論曰。產後月內不語者何。

答曰。人心有七孔三毛。產後血虛氣弱。多致停積。敗血閉於心竅。神志不能明了。又心氣通於舌。心氣閉塞。則舌亦強矣。故令不語。如此。但服七珍散。即瘥。

●七珍散

人參去蘆切片

石菖蒲節密者剉

川芎洗、剉、焙

熟乾地黃各一兩

細辛一錢去葉

防風去苗剉

朱砂研 各半兩

右爲末。每服一錢。薄荷湯調下。不以時候。

又十八論云。但服蒲黃黑神散便安。

第十論曰。產後腹痛。又瀉痢者何。

答曰。產後腸胃虛怯。寒邪易侵。若未滿月。飲冷當風。則寒邪乘虛進襲。留於盲膜。散於腹脇。故腹痛作陣。或如錐刀所刺。流入大腸。水穀不化。洞泄腸鳴。或下赤白。腹脇臃脹。或走痛不定。急服調中湯立愈。若醫者以爲積滯取之。則禍不旋踵。謹之謹之。

●調中湯

高良薑剉、油炒

當歸洗去蘆須切、焙

桂去皮、剉、不見火

白芍藥剉

附子炮去皮臍

川芎洗

各一

兩。甘草半兩。炙、剉。

右爲麤末。每服三錢。用水三盞。煎至一盞。去滓熱服。

又十八論云。急服蒲黃黑神散。後服調中湯。

第十一論曰。產後遍身疼痛者何。

答曰。產後百節開張。血脈流走。遇氣弱則經絡分肉之間。血多留滯。累日不散。則骨節不利。筋脈引急。故腰背不得轉側。手脚不能動搖。身熱頭痛。若醫以爲傷寒治之。則汗出而筋脈動。手足厥冷。變生他病。但服趁痛散。以嘿除之。

●趁痛散

牛膝切。酒浸一宿。控去蘆。剉。川。 當歸去蘆須。先切。焙。

白朮剉碎。焙乾。

黃耆剉。炙。

桂去皮。不見火。剉。

獨活

生薑切。中者尤佳。

各半兩。

薤白洗。切。

甘草剉。

各一分。

右爲麤末。每服半兩。水五盞。煎至兩盞。去滓。熱服一盞。次一盞。續後再煖服。不拘時候。

又十八論云。但服蒲黃黑神散即愈。

第十二論曰。產後大便祕澁者何。

答曰。產後水血俱下。腸胃虛竭。津液不足。是以大便祕澁不通也。若過五六日。腹中悶脹者。此有燥糞在臟腑。以其乾澁未能出耳。宜服麻仁圓以津潤之。若誤以爲有熱而投之以寒藥。則陽消陰長。變動百出。

性命危矣。

●麻仁圓

麻仁研碎

枳殼去穢，剉，麩炒微黃

人參去蘆，切片

大黃煨，剉 各半兩。

右爲末，煉蜜圓桐子大，空心溫湯下二十圓，未通加圓數。

又十八論云：產後小便出血，大便澀痛者何？

答曰：敗血流入大小腸，大小腸澀滯，致小便澀寒，大便艱難，人多不識，作五淋治之，不愈，但服蒲黃黑神

散，後服黑神圓，取下惡物即安。

●黑神圓

巴豆去皮，以水二碗，煮盡爲度，去心膜，細研，去油

黑附子炮去皮，鱗，切片

肉桂去皮，剉，不見火

白乾薑炮

各半兩。

右爲末，麵糊圓如蘿蔔子大，每服三圓至五圓，熱茶下，再以熱茶投之，即行。前第七論中云：轉藥者，即

是此方，切不可服，尋常取積藥。

第十三論曰：產後血崩者何？

答曰：產後傷耗經脈，未得平復，而勞役損動，致血暴崩下，淋瀝不止，或因鹹酸不節，傷蠱榮衛，氣衰血弱，

亦變崩中，若小腹滿痛，肝經已壞，爲難治，急服固經圓以止。

●固經圓

艾葉揀淨·剉碎·炒黃

赤石脂補骨脂略炒

木賊去根各半兩

附子一枚炮·去皮

右爲末。陳米飲和圓桐子大。食前溫酒下二十圓。米飲亦得。如陳米飲難圓。卽入雪糕少許搜和。卽易圓也。

又十八論云。但服蒲黃黑神散及黑神圓立瘥。

第十四論曰。產後腹脹悶滿。嘔吐不定者何。

答曰。敗血散於脾胃。脾受之。不能運化精微而成腹脹。胃受之。則不得受納水穀而生吐噎。醫者不識。若以尋常治脹止吐藥療之。病與藥不相干。轉更傷動正氣。疾愈難治。但服巨勝湯必瘥。

●巨勝湯

赤芍藥洗

半夏湯洗七次·切碎

澤蘭葉洗

人參去蘆·切片

陳皮去

甘草炙·各一錢

生薑半兩

右爲麤末。用水一椀。同煎至兩盞。去滓。微熱。分三服。

又十八論云。急服蒲黃黑神散。次服黑神圓。吐出惡物卽安。

第十五論曰。產後口鼻黑氣起及鼻衄者何。

答曰。陽明者。經脈之海。起於鼻。交頰中。還出俠口。交人中。左之右。右之左。產後氣消。血散。榮衛不理。散亂入於諸經。卻還不得。故令口鼻黑起。及變鼻衄。此緣產後虛熱。變生此疾。其疾不可治。名曰胃絕肺敗。遇

有此疾。急取緋線一條。并產婦頂心髮兩條。繫兩中指上節。卽止。無藥可療。亦厭禳之一端也。

又十八論曰。產後口鼻黑氣起者何。

答曰。產後敗血入臟腑。既滿。衝於頭目。卻還不得。口乾。舌焦。鼻衄。黑氣。是產後熱變作此候。不可治也。名曰敗肺。

第十六論曰。產後喉中氣急喘者何。

答曰。榮者血也。衛者氣也。榮行脈中。衛行脈外。相隨上下。謂之榮衛。因產所下過多。榮血暴竭。衛氣無所主。獨聚於肺中。故令喘也。此名孤陽絕陰。爲難治。若惡露不快。敗血停凝。上薰於肺。亦令喘急。如此但服奪命丹。血去喘息自止。奪命丹方見第二論。

又十八論曰。產後喉中氣急喘者何。

答曰。產後敗血過於心。轉於喉中。此不可治也。

第十七論曰。產後中風若何。

答曰。產後五七日內。強力下牀。或一月之內。百日之中。傷於房室。或懷憂發怒。擾蕩冲和。或因灼艾。傷動臟腑。得病之初。眼澁。口噤。肌肉攣搐。以漸腰脊筋急。強直者。不可治。此乃人作。非偶爾中風所得也。

第十八論曰。產後心痛者何。

答曰。心者血之主。人有伏宿寒。因產大虛。寒搏於血。血凝不得消散。其氣逆上。衝擊於心之絡脈。故心痛。

但以大巖蜜湯治之。寒去則血脈溫而經絡通。心痛自止。若誤以爲有所傷療之。則虛極寒益甚矣。心絡寒甚。傳心之正經。則變爲真心痛。真心痛者。朝發夕死。夕發朝死。藥不可輕用如此。

●大巖蜜湯方

熟乾地黄洗。酒浸一宿。剉用。 當歸洗。去蘆須。切。 吳茱萸揀去枝。 獨活洗。蜀中者尤佳。 芍藥洗。

乾薑炮。 甘草炙。 桂去皮。剉。不見。 小草遠志。葉。 各一兩 細辛半兩去葉。勿用。馬蹄香。

右爲釐末。每服半兩。用水三大盞。煎一盞。去滓。再入蜜一匙。又同煎三兩沸。微熱服。食前。

第十九論曰。產後熱悶。氣上轉爲脚氣者何。

答曰。產後血虛生熱。復因春夏取涼過多。地之蒸濕。因足履之。所以着而爲脚氣之疾。其狀熱悶掣癢。驚悸。心煩。嘔吐氣上。皆其候也。服小續命湯兩三劑。必愈。若醫者誤以逐敗血藥攻之。則血去而疾益增劇。

●小續命湯

人參去蘆。切片。 黃芩炙。如錐者。 桂去蘆皮。不見火。 麻黃去節。 防己剉。碎。 川芎洗。剉。 芍藥洗。

甘草炙。 白朮剉。 各一兩 附子一箇。去皮。臍。 防風一兩半。去苗。 生薑五兩。洗。去皮。切。

右爲釐散。每服半兩。用水三大盞。煎至一盞。去滓。溫服。

第二十論。產後汗出多而變癩風者何。

答曰。產後血虛。肉理不密。故多汗。因遇風邪搏之。則變癩風也。癩者。口噤不開。背強而直。如發癩狀。搖頭。

馬鳴身反折須臾復發氣息如絕宜速斡口灌小續命湯稍緩卽汗出如雨手拭不及者不可治此方不特治產婦凡男女偶中此疾急以此藥灌之無不愈也或服它藥則不及矣

第二十一論曰產後所下過多虛極生風者何

答曰婦人以榮血爲主因產血下太多氣無所主唇青肉冷汗出目瞑神昏命在須臾此但虛極生風也如此急服濟危上丹神良若以風藥治之則誤矣

●濟危上丹

乳香以竹葉盛又以竹葉覆上

五苓脂不夾石者研

硫黃研如粉

太陰玄精石研

陳皮去穢剉碎

桑寄生剉

阿膠剉碎同蛤粉炒炮起篩去蛤粉用

卷柏生用 各一兩

右將上四味同研勻石器內微用火炒動勿令焦炒了再研極細後入餘藥末用地黃汁打糊圓桐子大產後溫酒下二十圓當歸酒亦得

又十八論曰產後血氣逼肺上氣咳嗽多縱睡者何

答曰產後滿月血脈未通好食熱麵壅結成痰或有氣塊發時衝心心痛氣急咳嗽四肢寒熱心悶口乾背膊痠疼睡夢驚狂體虛無力時有汗出心痛月候不來名曰敗癥腹痛透臍面色微赤因此不療縱然得較三兩日又發急服黑神散立愈

論臨月將息

凡產婦合要備急湯藥。並須預先修合題號。恐臨時倉卒難致。臨月忌勿多飲酒。即依產圖方位。擇深靜房室。八月一日即用借地法。於房內北壁薰令香潔。

論新生小兒

凡新生小兒。急以綿裹指頭。拭兒口中惡物。不爾流入腹中。後生諸疾。斷臍可長三寸。臍中若有蟲。急撥去。恐入腹內。綳了取生甘草寸餘。搥碎。水一合。煎濃汁。以綿包子。點兒口中。當吐出惡汁。盡半合無妨。又取細研朱砂末一字許。以熟蜜調置兒口中。令嘔之。去驚邪。三日湯煎虎頭骨少許。豬膽汁少許。和湯浴兒。少驚無瘡。令無惡疾。每日頻就無風明處。看兒上腭。若有一點白泡。如竹膜起處。速以指甲刮破。更生更去之。除灸臍帶外。則勿加火艾。恐成驚癩。若有冷熱夜啼。臍瘡不乾。變蒸諸疾。自別有方治之。今錄廬江劉寶助教經効小兒名方四道。

●注唇膏。治初生孩兒衆疾。療胎風病。

朱砂研

坯子臍脂各一錢。

白殭蠶七箇。炒去絲

牛黃半錢。研

蝎梢半箇。

右白殭蠶。蝎梢。用薄荷汁一合。重湯煮。汁盡爲度。焙乾爲細末。研入坯子朱砂等。生蜜和爲膏。逐日頻與孩兒注唇。令自吮嚙取効。

●豆蔻散。治小兒夏月滑瀉。冷痢不已。腹痛。瘦瘁。食下即噉。

肉豆蔻一箇。用餠餅麵一塊。如杏大。裹豆蔻。灰火中煨。不住攪轉。候色赤透熟。取出。剉。焙乾。

右爲細末。每服半大錢。七八歲至十歲者一錢。用溫米飲調下。日三服。一兩日間愈。

● 蝎梢散。治小兒胎風。及百晬孩兒。臍風撮口。無能救療者。先用生腦子一字。填入臍心。上用艾炷灸一七壯。如不覺。灸二七壯。再添腦子大妙。候定。服蝎梢散。

蝎梢四十九箇。用薄荷葉逐箇捲。以絲扎定。於砂銚中滾轉。炒令薄荷乾蘇爲度。

白殭蠶四十九箇。生薑汁浸。炒乾。去芣。

右二味爲末。入生腦子抄半錢。麝香少許。研勻。用紫色雄鷄肝煎湯。調下末半錢許。併三兩服愈。

● 治小兒諸般齁喘疾。

烏雞卵一箇。輕粉少許。

右將雞卵於尖小一頭打小穴子。入輕粉在內。用杖子攪轉令勻。坐雞卵於飯上蒸熟訖。將與患者小兒喫。只一枚取効。

累用經効方 隆興府學諭張世臣方。

● 大聖澤蘭散。治婦人血海虛冷。久無子息。及產後敗血衝心。中風口噤。子死腹中。擘開口灌藥。須臾生下。便得無恙。并治胎墮。腹中攻刺疼痛。橫生逆產。胎衣不下。血運血癖。血滯血崩。血入四肢。應血臟有患。及諸種風氣。或傷寒吐噤咳嗽。寒熱往來。遍身生瘡。頭痛惡心。經脈不調。赤白帶下。乳生惡氣。胎臟虛冷。數曾墮胎。崩中不止。因此成疾。及室女經脈不通。並宜服之。常服暖子宮。和血氣。悅顏色。退風冷。消除萬

病兼療五勞七傷虛損等病。

澤蘭葉去根曬乾 石膏研 各二兩 生乾地黃一兩半剉用溫湯浴過 桂肉一兩一分剉用火用

吳茱萸湯洗七次炒 厚朴去麤皮剉碎用 白茯苓去皮剉焙 卷柏去根剉 細辛去苗并焙

柏子仁揀去殼別研細 防風去苗剉 桔梗去蘆剉焙 白蕪荑各一兩 白朮切片焙 白芷去梢剉

丹參洗剉 乾薑炮烈剉 五味子去枝梗剉 藁本去蘆頭洗 人參去蘆頭切 川蔘頭炮去皮臍

川椒去目及閉口者微炒出汗 黃耆剉去蘆頭 各三分 阿膠剉碎蛤粉炒泡起去粉用 白薇剉 各半兩

當歸去蘆須洗切片子焙乾 白芍藥剉 甘草炙剉 川芎各一兩三分

右爲細末每服二錢空心臨臥熱酒調下若急疾有患不拘時候

●奪命褐散子妊娠四五月已上忽然仆地手足抽掣咽中涎聲袞袞口眼不開如小兒瘳瘳之狀名曰胎癩。

甜葶藶紙上微炒 芫花醋煮乾焙燥 各半兩 郁李仁湯浸去皮 地榆剉 各一分

右爲細末每服一字煎沉香人參鈎藤鈎子防風湯調下如牙噤者用物斡開灌下調藥汁不過一匙不拘時候沉香但磨藥汁尤妙如醒時只用防風煎湯調四君子湯服蘇合香圓及大聖澤蘭散半月餘其病脫然恐目昏不能視物不必疑慮氣血凝靜自然光明謹勿服眼藥有三四婦人皆患此證寸口脈伏自關而下脈弦蓋伏者氣不上升弦者有飲在內此必因胎肥流飲不化注入胎宮與血相搏

子不安靜。故氣不上升。乃胎觸心絡。遂有胎癩之證。先是醫者用安胎養血之藥未効。遂以此藥。緣此證雖是產前之疾。卻當作產後治療。迺是血不循經。氣不升降。氣閉血壅。其狀如癩。當導氣而逐其飲。氣通飲消。則血循經入。養胎安氣。則子安靜矣。累用經驗。

●地榆降血飲子。治妊娠入月臨草之時。血出三日而子未下。手足不收。昏瞽如醉。不省人事。此迺漏血過多。血不養胎。心氣逆上。胎氣留連。此名胎乾。此藥治之神効甚速。

蘇子降氣湯一貼。乃搗味者。只作一服。加地榆一錢半。洗淨麥門冬十粒。去心。水一盞半。生薑二片。煎七分。去滓。入乳香少許。透明者。鎔開溫服。不能自飲者。扶起灌之。

●大安胎飲子。治妊娠胎氣不安。腹脇刺痛。經脈適來。氣急上喘等疾。

當歸洗去瀝須。切片。焙乾。 乾地黃洗。再焙用。 川芎洗。 赤芍藥剉。 地榆剉。 各一兩。

阿膠剉碎。去粉用。 熟艾各半兩。黃芩一分。剉。

右為釐末。分作十五服。每服水二盞。煎至六分。去滓。通口服。不拘時候。

●吳白朮散。安胎養氣。常服。十月中胎氣安定。無諸疾苦。

白朮去蘆。切片。焙。 人參去蘆。切片。焙。 白茯苓去黑皮。剉。焙。 甘草炙。 阿膠剉碎。去粉用。 已上各等分。

右為咬咀。每服三大錢。水一盞半。煎至七分。去滓。溫服。不拘時候。

一滑胎。榆白皮為細末。每服一錢。空心白湯調下。自入月。每日三服。令易產。兒生下。藥皆塗身上。

一 催生并死胎不下。葶麻子三箇。巴豆四箇。研細。入麝香少許。貼臍心上。須臾間便下。

一 難產三兩日不生。以蠶種紙半張。燒灰。熱水調下。係已出蠶種紙。亦名馬明脫。

一 治橫生逆生。炙產婦右脚小指尖頭。如麥大三壯。立產。

又方。蛇退皮燒灰。酒調二錢。面東服。

又方。鹽塗兒足底。急去之。

又方。車前子末。酒服二錢。

一 妊娠煩悶。胎熱。睡臥不得。并腹中痛。又難產。知母新白者。焙乾爲末。煉蜜圓如小彈子大。每服一圓。溫酒化下。

一 妊娠偶因所觸。或墜高傷折。致胎動不安。腹中痛不可忍者。縮砂不以多少。和皮炒令熟透。去皮爲細末。每服二錢。熱酒調下。胎即安。神効。

一 胎動。日夜叫呼。口噤。唇青。及下痢不止者。熟艾一兩。酒五盞。煮四盞。去滓再煎至二盞服。口閉者灌之。亦治腰痛下血。

一 胎動及下血。心腹脹者。當歸二兩。川芎一兩。爲麩末。水四盞。酒五盞。煎至五盞。分三服。若胎未死即安。已死即便下。

一 產後血暈。五靈脂炒令煙盡爲細末。溫酒調下一錢。童子小便尤佳。

又方。乾荷葉爲細末。每服一錢。溫酒調下。

又方。生半夏爲末。一大豆許。吹鼻中。

又方。紅花或蘇枋木。酒水濃煮汁飲。

一產後中風。眼上視。四肢搖擗。荆芥穗爲末。每服二錢。溫酒調下。如不飲酒。只濃煎湯服。

一產後發狂。每用大香附子去鬚皮淨。爲細末。每用二錢。入研極細。好辰砂末一錢。以燒通紅秤槌。浸好酒調服。

一產前傷寒。不問陰陽。身熱頭疼。白朮二錢。黃芩一錢。麩末。水一盞。煎六分。去滓。熱服。不計時候。

衛生家寶產科備要卷第五

產科雜方

●催生如聖散此一方廬江劉寶助教經効名方。

黃蜀葵花不拘多少。

右一味焙乾爲細末每服二錢熟湯放溫調下神妙或有漏血胎臟乾澁難產痛劇者併進三服良久腹中氣寬胎滑卽時產下如無花只用黃蜀葵子爛研小半合以酒調濾去滓溫飲尤佳。

●救生散安胎益氣易產。

人參去蘆切片。

訶子濕紙裏煨熟去核。

白朮剉炒黃。

陳橘皮去白炒。

大麥蘖炒黃。

神麴細剉黃色。

各半兩。

右爲細末每服二錢水一盞煎六分溫服入月加一倍用水二盞煎一盞溫溫空心服之能令兒緊小乳母無患。

●罩胎散治婦人妊娠傷寒遍身大熱悶亂躁渴痰甚則蒸損胎臟廬江劉寶助教名方。

捲荷葉一兩嫩者焙乾秤。

蚌粉花半兩好細白者秤。

右爲細末入粉研勻每服二錢以新汲水用蜜調下日進兩服。

●二聖散產前安胎產後治惡血不盡及胎衣不下。

羌活洗去苗 川芎洗

右等分爲細末每服二大錢酒少許水七分煎七沸温服

●羌活散治妊娠患時疾

羌活去苗 荆芥穗不見火 赤茯苓去皮 川芎洗 宣州乾葛剉 陳皮去穢

甘草炙 川升麻剉 各一兩

右爲細末每服三錢水一盞半入生薑五片薄荷十葉同煎至一盞稍熱服不以時候

●黃金散治妊娠患時疾

黃金尖如錐 鬱金剉 各一兩

右爲末每服一錢板藍根地黃水調下汗出効未得汗再服卽瘥又用鷄卵墜并至泥隔宿取出吞之

必無虞矣

●薑粉散纔產服此藥蕩盡兒枕除百病源

當歸洗去蘆須 官桂去皮 人參去蘆 茯苓白者 甘草炙 芍藥洗

知母潤者 川芎洗 大黃略 黃耆蜜 木香不見 草豆蔻去 白朮剉

訶子煨熟 高良薑剉 青橘皮去 熟乾地黃浸酒

右除地黃外各等分剉焙乾次用附子一箇結實半兩者炮裂去皮臍切生薑一斤研取自然汁於碗

器中停留一食久。傾去清汁。取下面粉脚。攤在蒟葉中。入焙籠焙乾。同衆藥搗羅爲末。纔產後用藥末三錢。水一盞。薑三片。棗子一箇。擘開。同煎至七分。乘熱喫。如喫藥之後。自然產母睡着。半日以來睡覺。再服全除。卻腹痛。一日只可三服。至九服。不可多服。恐肚中冷也。

●香蓮散。治產後咳噁。

石蓮十箇。熟炒。丁香十箇。

右爲末。用水三合。煎十沸。溫服。

●地黃散。治產後血痛如刀刺。

熟乾地黃。洗酒。焙。橘皮。剉。焙。去白。

右件等分爲末。每服一錢。粥飲調下。尋常痛發可常服。

●香脂散。治產後吐噁不止。

狗膽一箇。硃砂。丁香。五靈脂各少許。

右爲末。以狗膽圓如白豆大。每服一圓。生薑水磨下。

●血竭散。治產後百疾。廬江劉寶助教名方。

血竭。沒藥。剪碎。

右等分。輕手研細。頻羅再研。取盡爲度。每服二錢。用小便合和細酒。半大盞。煎一二沸。溫調下。纔產下。

一服上牀良久再服其惡血自循下行更不衝上免生百疾。

產後發熱名曰褥勞用猪腰子作粥治之猪腰子一隻去白膜薄切作柳葉片子少鹽酒拌之先用粳米一合入葱椒煑粥鹽醋調和將腰子鋪碗底用熱粥蓋之如作齋生粥狀喫之每日空心做喫極妙。

十八論中治產前後患蒲黃黑神散功效。

第一產因熱疾胎死腹中胎死身即冷口角沫出爪甲青黑色四肢逆冷但服此藥煖其死胎須臾自出。

第二難產或橫生逆生胎衣不下此藥並治。

第三產後衣不下但服此藥逐出衣中血遂自出如衣帶斷亦同。

第四血暈醫人不識呼爲暗風但服此藥立瘥。

第五口乾心悶醫人呼爲胸膈不利此名血結但服此藥立瘥。

第六乍寒乍熱醫人不識呼爲瘡疾但服此藥立瘥。

第七產後四肢虛腫醫人不識呼爲水氣蓋血氣隔四肢寒但先服此藥立瘥後服轉藥瀉了惡物轉藥

謂之黑神圓。

第八產後乍見神鬼醫人不識呼爲風邪但服此藥即瘥。

第九產後月內不語但服此藥即瘥。

第十產後腹痛兼瀉痢急服此藥後服調中湯。調中湯是止瀉石灰散出產乳經中。

第十一產後遍身疼痛。但服此藥瘥。

第十二產後小便出血。大便祕澀。人多作五淋治。不愈。但服此藥瘥。

第十三產後血崩。謂惡露未盡。久不治之。及食鹹酸所致。若腹似痛時。稍難治。肝家熱。背筋急。急服此藥。

後服黑神圓瘥。

第十四產後血氣不通。上氣喘嗽。多睡。謂滿月後。月脉未通。食熱麵壅。結成疾。或有氣塊。發時衝心。心痛。

氣急。咳嗽。四肢無力。乍汗出。心痛。月候不來。名曰敗瘕。腹痛。遠臍。面赤。宜服此藥。卽瘥。

第十五產後心腹脹滿。嘔逆不定。醫呼爲翻胃。不愈。急服此藥。吐出胃中惡物。卽瘥。

第十六產後口鼻黑色。氣起。及鼻衄。不治。

第十七產後喉中氣急喘。不治。

第十八產後中風。爲無故下牀。百日之內。傷房室。或因著灸。有驚臟腑。中風之時。眼澁。腰背筋急。角弓反。

張牙。關閉。定不可治也。

蒲黃黑神散方。已見第一論末。

黑神圓方。已見第十二論末。

產前後十八論烏金散。

婦人萬病。皆因血氣而生。就中產後乖違。誠難救療。百日之內。變證尤多。或坐卽運絕。臥卽口乾。經日多。

言還應心悶。或傷熱食。變作崩中。飲冷服涼。便成腰痛。敗血入腹。則脅脹虛鳴。惡露上衝。乃或嘔噦。脾之受血。發則傷寒。肝氣有邪。卽多噴怒。肺之被撓。氣悶喘急。胃藏未安。多爲腹脹。敗血流走。百節酸疼。留滯四肢。皮膚俱腫。失音不語。還因敗血入心。散爲淋瀝。亦是血之入腹。大抵虛弱積血所爲。三焦不調。衆疾皆起。每尋方卷。多不會解。就中產前產後之圖。難全真訣。當貧困之輩。或居村中。念其急難。方當思慮。魂勞神悶。不知所裁。忽見一人形貌非常。乃言曰。余有秘術。子其知乎。不覺惕然瞻敬之際。復曰。子請存於誠信心。欲救人。事當甚喜。吾有產後一術。名曰烏金方。受於子。宜保惜之。余卽跪受要旨。頓覺精神爽易。事理照覺。在寤中神授。乃依方修合。普諸神願。遂成產後十八方如後。

第一論問胎死腹中者何。

答曰。緣母患染熱疾。經六七日間。臟腑極熱。蒸薰其胎。是以子死。何以知之。身死便冷不居。子宮乃墜。臍下冷痛。口角沫出。腹冷爪甲青。四肢逆冷。命在須臾。但以此三服。令胎熱。須臾自下。

第二論問產難者何。

答曰。兒已成形。每食母之血。候十月當足。月血有餘。乃結成塊。俗呼爲兒枕。子欲生時。兒枕先破。爲敗血散。裹子身上。固當難產。但服此散三服。敗血卽散。須臾自產。或逆產其體不同。悉皆治之。

第三論問胎衣不下者何。

答曰。產訖敗血流入胞衣中。被血脹。固當難下。但服此散。衣中血散。須臾自出。若胞衣帶斷。亦宜服此。

散卽下。

第四論問血暈。產後三日起止不得。眼前自見鬼神。或悶絕不識人者何。

答曰。產後三日。血氣未安。運走五臟。奔於肺上。時人不識。呼爲暗風。以此治之。萬無一瘥。但服此藥。立可安瘥。

第五論問口乾。心悶。及煩渴者何。

答曰。產後七日以來。血氣未定。蓋爲食於熱麵。與血結在心。卽渴。時人呼爲胸膈壅悶。若以此治。萬無一瘥。但服此散。立瘥。

第六論問產後乍寒乍熱。及渴者何。

答曰。產後虛羸。敗血入於肺則熱。入於脾則寒。乃渴。時人不識。呼爲瘡疾。若以此治。萬無一瘥。服此散立瘥。

第七論問產後四肢浮腫。及寒熱者何。

答曰。敗血流入五臟。將滿。卽四肢停留日久。卻還不得。乃欲爲腫。時人不識。呼爲水腫。且如水腫。與血腫不同。何以明之。水氣喘而小便澁。血氣渴而四肢寒。先服此散。次服宣元。瀉下惡物。自瘥。宣元是黑神圓。

第八論問言語顛狂。無度。若見鬼神。或寒熱及渴者何。

答曰。產後敗血衝心。心不受邪觸。被敗血蒸薰。心悶蒸熱。煩渴至躁。言語顛狂。時人不識。以爲風及神邪所致。若以此治之。萬無一痊。但服此散愈。

第九論。問產後不語者何。

答曰。夫人心有七孔三毛。產後敗血上行。流入心孔之中。被血閉之。即使不語。時人不先去心孔敗血。其病不除。但服此藥。當漸語也。

第十論。問產後腹痛及痢者何。

答曰。產後未滿月間。誤飲冷水。水與血相和。流入大腸。大腸受之。血遂成病。水穀不化。或泄或脹。膿血不定。急服此散。次服調中湯立効。

第十一論。問產後遍身疼痛者何。

答曰。產後百節開張。敗血流入四肢。留滯日久不散。結聚虛脹。是致疼痛。但服此散。遂去百節間敗血。須臾自定。

第十二論。問產後瘀血及小便赤澁。大腸痛者何。

答曰。敗血流入小腸。閉卻水道。卽小便艱澁。流入大腸。閉卻肛門。是致大小便俱難。醫人不識。呼爲五淋。治之萬無一痊。但服此散。次服黑神圓。聚結物出。其病立愈。或用洪氏方中排濃內補散。依方服立効。

第十三論。問產後崩中者何。

答曰。敗血惡露未止。日久或食鹹酸之物。遂變崩中。血結變黑。狀似雞肝。或時寒熱。背膊拘急。煩悶。名曰崩中。宜先服此散。次服黑神圓卽安。

第十四論。問產後血氣不調。道路閉塞。兼咳嗽多驚者何。

答曰。產後滿月後。月經未還。不能謹忌。好食熱麵。遂卽成疾。積聚結塊。發卽氣急。咳嗽。四肢寒熱。心悶。口乾。背膊拘急。煩躁。夜夢驚悸。體全無力。多汗。心疼。月經不來。名爲血癥。腹痛多睡。面色多赤。因茲不療。遂成骨蒸。治須子細。看此疾狀。或服別藥。十無一應。終不得瘥。只服此藥。其患自退。

第十五論。問腹肚脹滿吐噁者何。

答曰。產後敗血停於脾胃之間。氣遂相衝不定。卽留滯嘔噁。胸脇俱脹。時人不識。呼爲翻胃。以此治之。萬無一存。急服此藥。吐出胃中惡物。卽便喫粥。

第十六論。問產後口鼻黑色。及鼻衄者何。

答曰。敗血傳入臟腑。臟腑既滿。衝於頭面。卻還不得。焦乾白黑。見於面色。衝於鼻卽鼻衄。黑起。緣產後虛熱甚。變成此狀。若別治之。萬不得一。此名心肺敗血。宜服此藥。

第十七論。問產後喘急。喉中如貓兒聲者何。

答曰。敗血衝入心肺。氣與血併。遂結爲塊。入於喉中。如有此狀。急服此藥。

第十八論。問產後中風。兼有黑血點者何。

答曰。產後七日內。下床衝風。百日內傷房勞。或有灸瘡中風。取性慢易。卽中風也。初中之狀。氣滯腰痛。筋急如角弓反張。牙關緊急。若有此狀。卽是風邪所入。或面色黑。遍身赤黑。敗血流入臟腑。臟腑皆滿。流入皮膚。退反不得。變成血點。或得此變。急服此藥。無有不瘥。

●宣經圓

巴豆十五粒。去皮、心膜。用生絹袋子盛。以灰汁煮十餘沸。取出研。紙壓油了。重研。

右件先用烏金散三錢。以無灰酒調似糖。入甕瓶中。於重湯內熬成膏。入巴豆末同和爲圓。如棗豆大。熟水下十五圓。宜了冷粥補之。忌毒物。

●烏金散

頭髮灰男子者。不須洗。燒灰。 鯉魚鱗燒灰。 當歸焙。去蘆須。 延胡索生用。 好墨煨過。 肉桂不見火。去蘆皮。

麒麟竭 赤芍藥剉。 百草霜是鍋底刮下者。煤。

更妙。右件九味等分。杵羅爲末。每服二錢。溫酒調下。又用童子小便半盞。生薑一塊。同煎調下。入麝香少許。

產前所忌藥物。盧醫周鼎集以爲歌。

蛭、斑、水、蛇、地、膽、蟲、
躑、躅、野、葛、螻、蛄、類、

烏、頭、附、子、配、天、雄、
烏、喙、側、子、及、蚤、蟲、

牛黃、水銀并巴豆、
牛膝、藜蘆加薏苡、
牙朴、芒硝、牡丹、桂、
代赭、蚱蟬、胡粉、麝、
槐子、牽牛并皂角、
欖根、硃砂與乾漆、
瞿麥、蘭茹、蟹爪甲、
馬刀、石蠶、衣魚等、
乾薑、蒜、鷄及鴨子、
切忌婦人產前用。

大戟、蛇退共蜈蚣、
金石、錫粉對雌雄、
蜥蜴、飛生更蟻蟲、
芫花、薇銜草、三稜、
桃子、鱗鱒和茅根、
亭長、洩疏、茵草中、
蝟皮、鬼箭、赤頭紅、
半夏、天南、通草同、
驢馬、兔肉不須供、
此歌宜記在心胸。

衛生家寶產科備要卷第六

備產濟用方序

婦人產褥之事。一有蹉跌。爲害不細。若因而受疾。又非尋常疾病之比。氣血既虛。更難攻治。是宜昔人所留意。而不敢忽者也。予性喜方藥。偶得產方甚多。蓋嘗用以取効焉。今錄其所得之方。及平時所聞之說。與夫疾證用藥次第。共爲一書。以濟人之急難。初虞世嘗謂婦人生產。須使之自能通曉。方爲盡善。斯乃至論。然間有素無產難之家。不知出於偶然。心常易之。不以介意。故緩急之際。至於產婦已困。而家人未悟者。往往有之。此幸其無事則可。非萬全之道也。紹興庚申重陽日。三吳外士餘杭虞沈書。

虞氏備產濟用方

妊娠

婦人妊娠之後。或觸冒風冷。或飲食不節。或居處失宜。或勞動過當。少有不和。則令胎動不安。重者遂致傷墮。臨產之際。爲患不小。豈可不戒也。

妊娠三箇月後。或疑非胎。宜服川芎散。妊娠五箇月後。宜服滑胎枳殼湯。

入月

入月第一日清旦。先書借地法。貼產婦房內北壁上。須清心志誠書之。更須避日遊。月支諸神等。

入月後每日進保生圓一服。臨產五臟不痛。其子易生。

凡產閣及藏衣之地。並須依方位所利鋪設。產閣務要清虛。仍須遮塞孔隙。無令賊風遊氣可得而入。及窗壁仰泥之類。並須一一經心照管。恐有顛覆種種非意。爲害不小。入月後須便擇好日爲之。倉卒之際。無緣周備也。

凡合用湯藥。須於未產前一月內修合足備。不可倉卒。或市諸藥肆。或求之醫篋。產後五臟皆虛。藥貴精當。恐有雜僞。反致他疾。產婦服食。貴在誠潔。老娘須擇溫善安詳慣熟之人。其妄誕揮霍無常者去之。又有喜驚動人而收已功者。爲害尤甚。不可不知也。大抵有孕婦之家。選擇老娘。最爲先務。旣得之。則令與產婦游處情熟。入月則令守月。不可臨時倉卒呼喚。卻致誤事。又老娘收生。風俗多有不同。閑時宜先令詳說次第。或有未便。款曲與之商量。不可一切任之。此若選擇得人。則上下安心。產婦亦免憂疑。省力萬倍。腰生只用家中慣熟妮子爲佳。若用外人。亦須先審問次第。然後用之。亦能爲害。不可不謹也。

臨產

產婦覺腹痛。他人切不得驚忙及亂報人知。只可令一兩人老成親熟人。安慰相伴。亦不得用人多。不然。則令產婦憂怕。氣血錯亂。生理不和而起百疾。

產婦腹痛時。須低心忍耐。不可急性燥怒。起動揮霍。皆能令子失道。遂致難產。產婦若只腹痛者未產。若連腰痛甚者。卽產候也。

產婦腹痛雖甚。且須令人扶持。徐徐不住行動。若倦亦且扶立。時時令行。先脫產婦常着衣服一件。覆竈頭上。待子逼生。方得蹲坐。切不可蹲坐太早。太早則子在腹中轉動不得。遂致難產。產婦臨產。須避太歲所在。不得面對太歲蹲坐。恐致憂禍。深戒深戒。產婦蹲坐時。須要四體平正。不得稍有偃曲及強嘔氣用力。亦能令子失道。致難產也。

產婦未蹲坐時。先須用五積散四錢。加順元散二錢同煎。分作兩服。用湯煖。卻不得令冷。候蹲坐時。令產婦先進一服。如稍覺產遲。卽再進一服。若一服後便產。卽不須再服。此藥助氣催生。他藥所不及。吾鄉所謂沈家五積散者是也。方出沈存中內翰宅。昔有貨者。三百一服。號爲神藥。余家每用之取効。但性稍熱。產婦素協熱者服之。產後臟腑。須微覺燥澁。甚者三兩日不通。切不可用利性藥。但調和粥食。如後說調養。津液生則自然流利也。說在產後諸證用藥門。

產後

纔分娩。便須急與產婦童子小便一盞溫服。次進勝金湯一服。不可飲酒過量。緣酒能引血入四肢作病。兼新產後。臟腑虛熱。酒入腹中。必致昏亂。又嘗有人用醋墨。此雖破血有功。然亦傷肺。服多則因而成嗽。余見蜀醫張宗說。說有用醋墨者。下咽疾作。此是氣血方虛。酸勝而生痰。不可不戒。才分娩。便須燒磚石。或炭投醋中。三日內。嘗令聞猛醋煙氣。以防血暈。又不得令熟睡。須頻頻喚醒。緣氣血全虛。恐生昏亂。分娩後不得便睡。且須扶坐移時。方可以軟物自腰以上漸漸撐起。及高枕起頭項。仍須令仰臥。立起膝時。

復令人從心上用手按到臍下。如此一日已來方可止。恐惡血上行而致暈也。兼須加意遮避賊風。不可不謹。

產後所進粥藥。不得犯生水。以至碗器之類。並須用沸湯洗。火炙乾。方可用。產後七日內。唯須頻進童子小便。及時進白粥。如小便難喫。則依法漬之。自然易喫也。七日後方可進少醇酒。并些小燒鹽。不可用生鹽。二七日後漸進些小淡煮極糜爛膾肉。三七日後。漸食滋味。一月後漸進麵食。一百日後。方可食果實。生冷等物。產後五臟百脉。率皆傷動。一百日後。方始如舊。常人不自愛惜。才到滿月。便稱平復。或不謹飲食。或觸冒風冷。或喜怒高聲。或勞動用力。氣血未定。情慾不常。此皆致病之由也。婦人稟受虛實。皆緣生產。而能移易。若能一一如法將息補養。則有平生虛怯多病。而遂盛實無病者。若不能如法將息補養。則有平生盛實無病。而遂致虛損瘦瘠。成纏綿不可起之疾者。當時不覺。意謂不然。及歲月成疾。又不能推究其由。乃謂偶爾。故婦人產後。往往不能加意將攝。噫。臨產之際。死生所繫。及產難既過。漸向平復。而又不能將息。以自保攝。遂取困厄。豈不至愚哉。世之任意輕動。不能調養者多。故詳言之。

產後諸證用藥例

產後惡露。或多或少。皆能令人暈悶。心煩。滿急。

產後惡血攻心。則能令人眼生黑花。心悶欲絕。產後才覺惡心。頭旋。頭昏。多涕唾。身如在舟車中。此是血暈之候也。便以猛醋煙燻。及服保生圓。勝金湯。百草霜散等。治血藥。則如熟乾地黄。生薑。芸臺子。當歸。蒲

黃、涼沒藥、桂心、延胡索、赤芍藥、牡丹皮、牛膝、川芎、麒麟竭之類。

產後惡血攻心，則荒言亂語，驚怕或啼或笑，宜服金黃散、麒麟竭散等。破惡血，養好血藥，則如琥珀、熟乾地黃、當歸、蒲黃、涼赤芍藥之類。安心氣，則如遠志、茯神、朱砂、麝香之類。

產後惡血不絕，爲自來經血，虛損或產時惡血出不盡，留滯腹中，先有宿冷，遂成淋瀝不止，宜服保生圓等。如牡蠣、當歸、熟乾地黃、艾葉、阿膠、厚朴、乾薑之類，性冷藥不可服之。

產後因惡物不下，或下不盡，心腹疼痛煩悶，宜服千金散、地黃散、桃仁散、川芎散、勝金湯、保生圓等。又宜服桂心、當歸、牛膝、牡丹皮、虎杖、蓬莪茂、延胡索、赤芍藥之類。產後須常體問產婦，如所下惡物多，即不須再三進逐惡血藥，恐氣血益虛，煩悶暈亂及生疾病，如覺比尋常少或不行，則須急攻之。緣血隨氣上行，掩於心，故令煩悶而心滿急，二者得失甚大，切在詳審。產後大腸祕澀，此是產時走津液多，腸胃未和，乃常事也，切不可亂服通利藥，但只依尋常服調氣血藥及調粥食，常令溫暖細軟，依時漸進，不得失飢，亦勿傷飽，氣血調和，則腸胃自然平復矣。

產後體虛，切不可妄進湯藥，如別無證候，但只與保生圓及調養氣血等藥。

產後三日起坐不得，眼見黑花，目或暈絕，全不見物者，是血氣未安，運走五臟，奔注於肝故也。有不識者，呼爲暗風，悞矣。宜服黑散子。

產後乍寒乍熱及渴者，是產後虛羸，敗血入心肺則熱，入脾則寒，不識者呼爲瘧疾，悞矣。宜服黑散子。

產後四肢浮腫及寒熱者。是產後敗血流入五臟。五臟將滿。流入四肢。停留日久。卻還不得。乃化爲水。有不識者。呼爲水氣。悞矣。血與水氣。狀候不同。何以明之。水氣喘而小便澀。血氣渴而四肢沉。當細辯之。宜服黑散子。產後言語顛狂。乍見神鬼。時復寒熱及渴者。是產後敗血衝心。心不受觸。既被蒸燻。心臟熱極。遂生此疾。不識者呼爲風邪神祟。悞矣。宜服黑散子。

產後一臘非時不語者。是敗血上衝。陷入心孔中。既被蔽之。便致不語。宜服黑散子。

產後遍身疼痛者。是百節開張。血注結處。停留不散。結聚虛脹。是以疼痛。宜服黑散子。骨間敗血卽去。

產後雖滿月。血氣不通。上氣咳嗽。痰涎多者。經脉未還。便不忌謹。多食熱麵。壅結成疾。聚卽成塊。散卽上

衝。氣急咳嗽。四肢虛熱。心悶口乾。睡夢多驚。四肢無力。盜汗心痛。月候不調。或成血癥。環遶臍下。或卽面

赤。因變骨蒸。但多服黑散子。卽瘥。須急服之。此疾難理故也。

產後敗血停在脾胃。食衝於胃。胃衝於氣。氣衝卽不安。便當吐噎。胸脇俱脹。有不識者。呼爲翻胃。但服黑

散子。吐出惡物。卽瘥。

產後中風者。是未經七。日下床。兼百。日內傷房事。或灸瘡內中風也。初中之狀。眼澀腰強。筋急如角弓反張。牙關緊急。若此之狀。非中風也。有此疾者。安能救療。婦人傷犯之後。其疾甚多。不可不戒。

產後面色黑及遍身生黑靨子。由敗血入皮膚。欲出流走。熱結便住。卻還不得。遂成黑靨。中此者百無一瘥。

難產逆產橫產

難產、逆產、橫產三者皆能立致不測之禍。然所得多端。或先因漏胎。血去臟燥。或子臟宿挾疹疾。或觸犯禁忌。或產時驚動。穢露下早。子道乾澀。產婦疲困。或坐臥未安。身體斜曲不正。轉動匆遽。強嘔氣暴衝擊。或腹有兒枕。產時先破。遂為敗血。散裹其子。胎中伏熱。故致難產也。產時未至。驚動太早。子轉未覺。使用力產之。故致逆產、橫產也。產婦面赤舌青者。子死母活。面青舌赤沫出者。母死子活。唇口青兩邊沫出者。子母俱死。身更重而熱。舌下脉青黑。及胎上冷者。子已先死。並有方治之。在後。

胎衣不下

產婦初時用力產子。而體已疲憊。不能更用力。產胎經停之閒。外冷乘之。則血道乾澀。胎衣不下也。子臍帶與胞系相連。若不下。即須急治之。不然。則斷臍稽遲。子傷冷氣而成病矣。舊方胞衣不下。恐損子者。須依法截臍。胎衣不下者。腹痛滿則殺人。若倉卒無藥。即多食豬脂亦佳。

妊娠食忌

食兔肉令子缺唇。 食雀肉令子盲。 食羊肝令子多患。 食鴨子令子倒生。


食鼈肉令子項短。 食驢肉令子過月。 食乾薑蒜令胎不安。已上並妊娠五個月之後。則當忌食。

入月借地法

東借十步。西借十步。南借十步。北借十步。上借十步。下借十步。此中產婦安居。無所妨礙。無所畏忌。諸神

擁護百鬼速去急急如律令

十二	月產	卧藏	衣吉	凶方	位圖
----	----	----	----	----	----



正月丙產 二月庚甲產 三月壬產 四月庚產 五月壬產 六月甲產
壬藏 坤藏 丙藏 甲藏 丙藏 庚藏
 七月丙產 八月甲庚產 九月丙產 十月甲產 十一月壬產 十二月甲產
壬藏 艮藏 壬藏 庚藏 巽藏 庚藏

產前諸方

●川芎散 三箇月後疑非胎即服

川芎一兩用生

右爲細末空心濃煎艾湯調下二錢腹內微動者當有子也

●枳殼湯 五箇月後服滑胎易生

商州枳殼二兩蘇炒去穢

石州甘草一兩炙

右爲細末每服二錢百沸湯點空心食前一日三服或四服唐胡陽公主每產則經旬痛楚萬法不効

服此藥遂驗自服藥後忌登高崩此方神妙滑胎易產他藥所不及但其胎緊小微帶黑色百日後肉色方漸變白唯產婦素虛怯者更宜斟酌緣枳殼性寒恐難多服也

●蟹爪湯 妊娠僵仆失據胎動轉上搶心甚者血從口出逆不得息或注下血胎不出則寒駭人腹中急如產狀虛乏少氣困頓欲死煩悶反覆服藥母即得臥下血亦止其當產立生神効

蟹爪一升約五兩 阿膠二兩剉碎勿炒 甘草炙 桂心不見火 各二尺

右以東流水一升煮取三分去滓內膠烱盡能一服佳不能一服者食頃再服若因急不能飲者灌之藥下子母俱活子死則母活若不經僵仆下血服此湯即止

●又方 妊娠偶有所觸或墜高傷打致胎動不安腹中痛不可忍者可服

縮砂一兩 和皮用淨麩拌於慢火上炒令熱透去皮只用仁

右爲細末每服二錢熱酒調下覺動處熱卽已安矣

●又方 胎不穩坐臥不安可服

木賊草節 川芎 各一兩

右爲細末每服一錢水一大盞入金銀物同煎至六分去滓空腹食前日三服

●人參圓 婦人妊娠嘔吐不止名爲阻病或以尋常治嘔吐藥治之非也宜服此藥

乾薑烈 半夏麴 人參 各一兩

右爲細末薄糊圓如雞頭大每服一圓米飲下可加至三圓此方出仲景金匱極妙

●保生圓 入月後服產前產後一切諸疾悉治

金釵石斛一分 秦椒 官桂 貝母 乾地黃 防風

糯米 甘草 大麻仁 大豆卷 黃芩 石膏

麒麟竭 沒藥 龍腦 各一錢半

右件藥並須用州土上等好者擣爲細末以熟蜜六兩入水一分同煉令水盡和藥了卻入臼內杵五

百下取出平分七十二圓每服一圓產前產後血風頭旋身戰薄荷酒下月信不通當歸酒下赤白帶

下溫酒下臨產難產胎衣不下子死腹中橫產倒生死絕不語但看心頭熱氣在取一圓京棗湯化開

灌入喉中。立甦。產後惡血不盡。臍腹疼痛。嘔吐發熱。增寒煩悶。月候不調。或多或少。皮膚虛腫。惡露不止。虛勞中風。口噤不語。半身不遂。產前產後赤白痢。大便秘澀。血渴血暈。狂語見鬼。頭痛。面色痿黃。漸成勞瘦。飲食無味。並用溫酒研下。催生當歸酒下。產後中風血暈。生地黃汁同煎十沸。研藥灌口中。禦風。但五日一服。空心熱酒嚼下。浴後溫酒嚼下。中風不語。身急如板。用消梨穰薄荷同研藥。灌口中。候汗出了。相次揭衣被。當風坐臥立瘥。其餘一切諸疾。並用當歸薄荷酒研下。清酒亦得。小兒天弔驚風。用藥一圓。分作三服。薄荷酒下。

●五積散臨產時服助氣催生

蒼朮二十兩 桔梗十兩去蘆須洗 陳橘皮六兩去穰白者 白芷苗去 甘草炙 各三兩 當歸二兩
 芎藭一兩半洗 芍藥白者 白茯苓去皮 半夏湯洗 各一兩 麻黃春夏二兩 秋
 枳殼四兩別杵 麸炒去穰 肉桂春夏三兩 秋冬四兩 別杵 厚朴二兩薑炙 別杵 乾薑春夏一兩半 秋冬二兩

右十五味為蠶末。分作六分。大鍋內煖火炒令微赤。香熟即止。不可過焦。取出以淨紙板藉上攤令冷。入枳殼肉桂厚朴三物。和之。若產婦難產。經三兩日不生。胎死腹中。或產母氣乏委頓。產道乾澀。用藥末二錢。加順元散一錢。水七分。酒三分。煎至七分。相繼兩服。氣血內和。即產。胎死者不過三服。當下。其順元散亦須量產婦虛實用之。

●又方

只用五積散二錢。入附子末一錢。水一盞。同煎至七分。無順元散則用此。

●順元散

烏頭二兩炮烈切片

附子炮去皮臍切片

天南星炮

各一兩

木香半兩剉。燻乾。

右爲末。入前五積散同煎服。

●催生神効聖功散

此藥極滑胎易生。其藥煎出。婦人多不愛喫。切須令強服。催生累得効。

榆白皮取深大根。刮去赤皮。取粉紅色者。去心薄切。焙乾。秤。

滑石各一兩

沒藥半錢研

當歸一分去蘆。洗。切。

朱砂半

錢別研

右件爲細末。次入朱砂。再研和勻。每服二大錢。水七分。盞煎三兩沸。及九箇月以來方可服。如臨產覺陣痛。亦依前服。自服此藥。忌登高廁。

●催生安胎救命散

烏藥四兩別用醋炒黃色。

前胡半兩淨。揀。

菊花一兩去梗。

蓬莪茂二兩炮。乘熱。斫碎。

當歸半兩去蘆。須。

洗。切。焙。

右剉碎。用好米醋炒乾爲度。同爲末。如死胎在腹。用炒薑豆淋酒調藥三錢。連進三服。立下。死血衝心。炒薑豆淋酒下二錢。入童子小便半盞。安胎用熱酒下一錢。血山崩熱酒下一錢。產後一切血疾皆可服。尋常催生用炒薑豆淋酒調三錢。只一兩服立生。藥須用新磁罐收。勿令失氣味。

●神効催生丹

臘月兔腦髓一枚。麝一錢。別研。乳香末一分。須黃明者。乳鉢內研細末。外以冷水浸鉢。輕研。母丁香一錢。爲末。辛辣如藟。

支核大者佳。不可用陳者。

右一處研細。用兔腦髓爲圓。如○此大。慢火焙乾。磁合收封。糊合口。不要出氣。候產婦陣痛。頻以温丁香湯吞下一圓。產婦不痛。其子順生。男左女右手把藥出。急洗藥。焙令乾。凡一粒可用三次。合時勿令鷄犬婦人。孝子見。服時婦人閉目取藥。產婦閉目吞之。神効。

●催生如聖圓

乳香好明淨者。研如粉。

右以生猪心血和圓。如梧桐子大。覺腹痛時。濃煎茅香湯下三十圓。嚼破服。端午日合。切忌婦人。鷄犬見。橫倒生只一服。此方絕妙。

產後諸方

●勝金湯才產了便服。去惡血。止血暈。

地黃汁二分。生。生薑汁一分。生。

右用童子小便一分。同煎十餘沸。温服。地黃生薑須是淨潔沙盆內研取自然汁。切不可犯生水。

●又方治血暈。至急。

生地黄三兩切 生薑三兩切 不去皮

右二物相和同炒乾碾爲末每服二錢研木香酒一盞同煎三兩沸通口服壓下血立愈

●又方產後血暈欲死及餘血不盡被風吹即變成寒熱

生地黄四兩 生薑四兩

右並薄切新瓦乾之爲細末溫酒調下二錢此二方俱妙

●漬小便方小便難喫用此法漬之

烏梅五個湯內洗淨 炙了甘草末二錢 炮了乾薑末一錢

右三味先於碗內用沸湯少許浸少時候烏梅軟即以熱小便一盞許就碗內浸令產婦閉氣作一服服之如欲再服即別用烏梅等一依前法重浸方可服不可更用浸了藥也若產婦才分娩了即須以童子小便依尋常與之未可用此法第二次方可用此法

●燒鹽法初食鹽用此法燒之

好淨鹽不拘多少

右以蒟葉裹作粽子樣於炭火內燒候鹽通紅如火即取出放淨地上一伏時候火氣盡研用

●百草霜散產後血暈可服

百草霜一錢秤即鍋底上黑煤也 生薑二錢切去皮 薑黃半錢

右爲末以生地黃煮濃汁調下二錢。

又方

劉寄奴一握剉 甘草半兩剉

右以水一椀半煎七分去滓服才覺血量喫一服甚者再服無事覺腹痛卽先煎下恐緩急煎不成也。

●黑散子治瘵見產後諸證用藥門

琥珀別研 朱砂別研 京墨煨通赤放冷用

黑衣卽龜額上煤也倒掛者亦得又謂之烏龍尾 釃黃灰亦得 各半兩

右爲末每服二錢炒薑溫酒調下

●烏金散產後血量或惡露不盡死胎不下並可服

大豆 生薑各四兩 蓬莪茂剉

右先下生薑大豆炒候薑乾卽下當歸茂黃連炒看豆紫色透心卽以櫻皮點火入藥銚中櫻皮盡成

黑灰卽傾地上以紙襯出火毒爲末每服二錢童子小便調下產後雖無事服之亦佳

●金黃散產後惡血攻心發燥可服

蒲黃半兩隔紙炒 延胡索一兩剉 桂心一分不見火

右爲細末每服一錢用烏梅湯放冷調下

●麒麟竭散 產後惡血攻心。漸次暈悶。可速服。

麒麟竭一兩末為生薑半兩切

右用酒一盞同煎至八分去滓帶熱通口分兩服立驗。

●千金散 產後惡物不下。或不盡。腹痛。可服。

桂心去皮。不見火。到。 葳靈仙鐵脚者。去根。到。 白芷去蘆。到。 當歸去蘆須。洗。切。焙。 牡丹皮到。 各一兩。

右同杵為細末每服二錢煎神麴湯調下。

●地黃散 產後惡物不盡。腹痛。可服。

熟乾地黃一兩略炒。 生薑四兩細切如蠅頭大。於銀器。或銅器。或新瓦上。炒令黑焦煙起為度。半兩。 當歸一兩洗去蘆須。切。焙。

右同杵為細末每服一大錢用生薑炒浸小便調下。

●牡蠣散 產後惡露不絕。可服。

牡蠣半兩燒。 龜甲半兩用好醋炙黃。

右為細末每服溫酒調下二錢食後服。

●桃仁散 產後心腹疼痛。可服。

桃仁二錢去皮尖并雙仁。炒黃。秤。 蓬莪茂一錢半秤。用慢火炮。取出。乘熱鑿碎。 桂心二錢不見火。到。焙。 當歸四錢去蘆須。

到。焙。秤用。

右爲細末。熱酒調下一錢。如不喫酒。只用水一中盞。藥末二錢。煎七分。帶熱服。

●川芎散 產後心腹
痛。可服。

川芎洗、桂心不見火、木香剉、懷、當歸去蘆須、洗、、桃仁去皮尖并雙、各一兩。

右爲細末。每服一錢。熱酒調下。如不欲飲酒。即用水一盞。藥末二錢。煎至七分。帶熱服。不拘時候。

●金花散 產後血暈。一切腹膈疼
痛。不以虛實。可服。

薑黃片子者、熟乾地黄炒、各二兩、肉桂去蘆皮、、牛膝去根、酒浸一宿、、劉寄奴剉、

虎杖洗、芎藭洗、赤芍藥剉、蒲黃隔紙炒、乾葛勿用色、各一兩。

右爲細末。每服二錢。如疾勢輕者。即以水或酒用一盞。煎至七分。和滓溫服。重急者。以豆淋酒同煎服。

●當歸散 產後痢。
可服。

官桂半兩去皮、秤、用生薑二兩。取自
然汁塗炙。令薑汁盡爲度。、當歸一分去蘆須、洗、

右爲細末。每服二錢。米飲調下。未止再服。

●人參散 產後虛汗。發
熱。可服。

人參切、去蘆、作
片子、焙、當歸淨洗、去蘆、、各半兩。

右分作兩服。每用猪石子一隻。切作八片。以灰去血水。用水二盞。葱二莖。粳米一合。生薑三片。煎一盞。去石子等溫服。早晚各一服。

●四神散 產後血氣心腹
痛·可服·

當歸 去蘆須·剉·芍藥 白者·剉·川芎 剉·各一兩。乾薑 半兩·炮烈·

右爲細末·每服二錢·熱酒調下。

●香桂散 產後臍下疼痛
不止·可服·

當歸 去蘆須·焙·川芎 剉·各一分。官桂 半兩·去皮·不見
火·剉·

右爲末·分作三服·每服酒一盞·煎三五沸·更入小便少許·同煎至七分·溫服·甚者再服·必効·如不欲入

酒·卽以水代之。

●當歸散 婦人產後血氣·血刺·血暈·血崩·惡露不止·或虛·或腫·或見神鬼·或如中風·
或瀉·或痢·或如癩疾者·其功效如神·兼治產後一十八病·唯瀉或喘·本方不治·

肉桂 去蘆皮·當歸 去蘆須·酒
洗·焙·芍藥 白者·乾薑 炮烈·乾地黃 湯洗·剉·蒲黃 隔紙上
炒·

甘草 炙·各一兩。黑豆 二兩·炒熟·
去皮·

右爲細末·溫酒調下二錢·日進三服·不拘時候·甚者三服愈·常服日兩服·或一服。

●柿湯 產後嘔逆氣亂
心煩·可服·

乾柿一箇·切碎·水一大盞·煮熟·熱呷甚妙·溫卽再煖·令熱呷喫。

●荊芥散 治產後一切
難治之疾·

荊芥不以多少。

右爲細末。每服一錢或二錢。溫酒調下立効。有急疾及風候。宜速爲之。此方絕妙。家中常用之。產婦雖無病。每日進一服。只用童子小便調下。有急疾用小便。酒各半調之。尤佳。

●陳梅散 產後痢。可服。

多年白梅。不以多少。

右燒成灰。存性。研爲細末。陳米飲調下一大錢。甚妙。

難產諸方

●治產難。子死腹中。又姪兩兒。一生腹中。一死腹中。死者出。生者安。此方神驗。萬不失一。

蟹爪一升。約五兩。甘草四兩。炙。剉。阿膠三兩。用蛤粉炒。

右以東流水一斛。先煮二味。至三升。卽內膠。膠烱。頓服之。不能一頓服者。食頃再服。若至困。灌之卽活。

作東向竈。葦薪煮之。此方與前蟹爪湯相犯。唯不用桂心。

●治難產

榆白皮一升。切。瞿麥揀淨。木通剉。各三分。牛膝去苗根。酒浸一宿。剉。焙乾用。大麻仁去殼。各一兩。

右爲麤散。每服四錢。水一中盞。煎至六分。去滓。溫服。頻服佳。

●又方

當歸二兩。去蘆須。洗。切。焙。芎一兩。剉。

右爲麤散。每服四錢。水酒各半中盞煎至六分。去滓溫服。頻服佳。若慮胎在腹已死者。服此藥胎死卽下。胎活卽安。神効。

●又方

赤小豆一合。略炒。黃明膠一兩。剉。

右以水一盞。煮豆令熟。去滓。內膠令消。溫溫頓服。

●又方

取馬嚼一枚。覺痛卽令產婦左手把之。甚効。

●又方

取東引槐枝手執之。

●又方

取桃仁分破。書一片作可字。一片作出字。依前還合。令母吞之卽產。此天真法也。神効。

●又方

子母草
生。 貌。子母草

右收五方氣。飲氣書二道。用茅香湯吞之。

●又方

取草麻子四粒。去殼水研。取汁少許。塗產婦脚心中。才產便洗卻。并貼臍中亦良。

●又方

取皂角末少許。吹母鼻中。令嚏。其子便下。

●又方

取大豆一顆。擘破。書其夫姓名於上。以酒吞之。

●又方

雄虵蛻一條大者。以頭按產婦臍中。自腰後左繞轉。卻以尾按臍中。才匝便下。此法極驗。虵蛻在高處者爲雄。在地者爲雌。須頭尾全者。

逆產諸方

●治逆產

半夏湯洗七遍。去滑。焙乾。白欬各一兩。

右爲細末。每服二錢。生薑酒調下。難產一服。橫產二服。倒產三服。兒死四服。若胎衣不下。母氣欲絕。亦宜服之。每一服如人行一里。再進。加瞿麥二兩尤妙。小產只一服愈。

●又方

急以鹽和輕粉。塗子脚底。又急以小針刺子脚底。卽轉。覺痛。驚掣入。卽順出。

●又方

以鹽摩母腹。卽順出。

●又方

當歸不以多少。微炒。去蘆須。洗。剉。焙。

右爲細末。溫酒調下二錢。

●又方

艾葉一兩。炒。

右以酒一大盞。煎至六分。去滓。分作兩次溫服。立效。水煮亦得。

●又方

車前子不以多少。

右爲細末。溫酒調下二錢。

●又方

兔絲子不以多少。

右爲細末。溫酒調下一錢。

●又方

以手中指取釜下墨交畫子足即順生。

橫產諸方

葵子二合。黃明膠剉。滑石末各一兩。

右爲細末以水一大盞半煎至一盞去滓分作三服溫服。

●又方逆產、橫產、難產、胎瘦、妊娠產前後。月候不調。崩中。皆可服。

百草霜。香白芷各一兩。

右件爲細末每服二錢童子小便一茶脚許調勻以沸湯四五分化開服止一服甚者再服愈。

●又方橫產、逆產、胎死腹中、及胎衣不出、母欲絕、皆可服。

半夏熱湯浸洗七遍、去滑、焙乾。白斂剉。瞿麥頭子各半兩。

右爲細末每服二錢炒生薑酒調下。

●又方

瞿麥一兩。

右以水一大盞煎至六分去滓分作兩服溫服。

●又方

牛尿不以多少。

右塗母腹上。卽順出。

●又方

蛇蛻皮不以多少。

右用炭火燒作灰。研令極細。溫酒下二錢。若子死腹中。服之立下。

胎衣不下諸方

●產婦臨產。先脫常着衣裳一件。覆竈頭。卽無胎衣不下之厄。此法極驗。不可不信也。

●治胎衣不下

大牛膝一兩。去苗。葵子一合。

右搗碎。以水一大盞。煎至半盞。去滓兩服。溫服。

●又方

繫鬻帛燒灰。酒半升調下。

●又方

飲洗兒水一口。立下。

●又方

草麻子三粒。鼠粘子一分。卽牛蒡子。

右爲細末。若子死腹中。無藥可下。卽以醋糊調藥。塗在口上。以紙貼之。立下。

●又方

當歸一兩。洗去蘆須。切。焙乾。瞿麥揀淨。芎藭洗。各三分。

右爲麤散。以水及米醋各一中盞。煎至一盞。分作三服。溫服。

●又方

當歸洗後蘆須。切。焙乾。鼈甲酥塗炙。令黃。各三分。

右爲細末。先取產多婦人髮半兩。燒爲灰。細研。入當歸末。以水一大盞半。煎取八分。然後下盡鼈甲末。煎五七沸。分爲三服。若數日不產。子死腹中者。皆可服。服後如人行四五里。再服。

●又方

水銀一彈子大。

右幹開產婦口灌之。扶起令坐。不食頓。扶起令倚立。其子卽下。唯臨產面青舌赤。沫出欲死。子猶不出。并產婦已死而欲令子出者可服。

●治產前產後痢疾

乾蛟端午日收。簪乾。

右產前痢用前兩脚。產後痢用後兩脚。燒灰存性。爲末。米飲調下。食前服。此藥家中累曾經驗。神效。

許學士產科方 名叔微字知可。

●滑胎枳殼散

商州枳殼二兩。去穢剉作小塊。麸炒。 甘草一兩。炙。

右爲末。每服二錢。百沸湯點服。空心食前。日三服。凡懷孕六七月以上。卽服。令兒易生。初生胎小微黑。百日以後肉漸變白。此雖孫真人滑胎易產方。然抑陽降氣爲衆方之冠。

●內補圓。治妊娠衝任脈虛。補血安胎。

熟乾地黃二兩。剉。焙。 當歸一兩。去蘆須。洗。焙乾。

右細末。煉蜜和圓。如桐子大。每服三四十圓。溫酒下。無時。

上三方諸集皆載之。在人用之如何爾。大率婦人妊娠。唯在抑陽助陰。素問云。陰搏陽別。爲之有子。蓋關前爲陽。關後爲陰。尺中之脈。按之搏手而不絕者。姪子也。婦人平居。陽氣微盛。無害。及其姪子。則方閉經。隧以養胎。若陽盛搏之。則經脈妄行。胎乃不固。素問所謂陰虛陽搏。謂之崩也。抑陽助陰之方甚多。然胎前藥。唯惡羣隊。若陰陽交雜。別生它病。唯是枳殼散。所以抑陽。四物湯。所以助陰。故爾。枳殼散。差寒。若單服之。恐有胎寒腹痛之疾。以內補圓佐之。則陽不至強。陰不至弱。陰陽調勻。有益胎嗣。此前人未嘗論及也。

●木香圓。治婦人有孕傷食。

木香二錢剉

京三稜慢火煨·乘熱剉作片子

人參去蘆·切·焙

白茯苓各三錢

右細末。麵糊圓菘豆大。每服三十圓。熟水下。

●白朮散。治妊娠氣不和。調飲食。

白朮切作片子·焙乾

乾紫蘇各一兩

白芷微炒

人參去蘆

各三分

川芎剉

訶子皮

青皮去白各半兩

甘草一分剉

右細末。每服二錢。水一盞。薑三片。煎七分。不拘時。溫服之。

經云。飲食自倍。腸胃乃傷。又云。陰之所生。本在五味。陰之五宮。傷在五味。若娘子飲食不節。生冷毒物。恣

性食噉。致脾胃之疾。故妊娠傷食。難得藥。唯此二方最穩。

●紫蘇飲。治妊娠胎氣不和。懷胎近上。脹滿。疼痛。謂之子懸。兼治臨產驚恐氣結。連日不下。

紫蘇葉一兩

大腹皮剪碎

人參去蘆·切片

川芎剉

陳橘皮去白

白芍藥各半兩

當歸三分去蘆須·切

甘草一分炙

右細剉。分作三服。每服用水一盞半。生薑四片。葱白七寸。煎至七分。去滓。空心服之。

曾有婦人累日產不下。服遍催生藥不驗。予曰。此必坐草太早。心懷下一懼。氣結而然。非順不順也。素問

云。恐則氣下。蓋恐則精卻。卻則上焦閉。閉則氣還。還則下焦脹。氣乃不行矣。得此藥一服。便產。及婦人六

七月子懸者。予用此數數有驗。不拾服。胎便近下也。

●下死胎方

桂末二錢、麝香當門子一個、同研、煖酒服。須臾、如手推下、比之用水銀等。此藥不損血氣。

●琥珀散治婦人月經壅滯、每發心腹臍疔痛不可忍、及治產後惡露不快、血上愴心、迷悶不省、氣絕欲死。

荆三稜 蓬莪藥 赤芍藥 劉寄奴 牡丹皮 官桂削去皮、不見火、令礮為末、後入。 熟乾地黃劉、焙。

菊花揀去枝梗。 眞蒲黃 當歸乾、秤。 各一兩。

右前五味、用烏豆一升、生薑半斤、切片、米醋四升、同煮、豆爛為度、焙乾、入後五味、同為末、每服二錢、溫酒調下、空心食前服。一方不用菊花、蒲黃、用烏藥、玄胡索亦佳。予家之祕方也。若是尋常血氣痛、只一服、產後血衝心、二服便下、常服尤佳。予前後救人、急切不少。此藥易合、宜多合以救人。

●佛手散治婦人妊孕五七月、因事築磕著胎、或子死腹中、惡露下、疼痛不已、口噤欲絕、用此藥探之、若不損則痛止、子母俱安。若胎損立便逐下。此藥催生神妙。

當歸六兩洗去蘆、切片、焙。 川芎四兩劉、炒、略。

右麩末、每服三錢、水一小盞煎、候相次欲乾、投酒一大盞、止一沸、去滓、溫服。口噤灌之。如人行五七里、再進、不過三兩服便生。有一方云、此藥治傷胎去血多、崩中去血多、金瘡去血多、拔齒去血多、昏暈欲倒者、水煎服。

●愈風散。治產後中風口噤。牙關緊急。手足痲痺。

荆芥穗輕焙過一兩。

右爲細末。每服二錢。溫酒調下。

經驗產寶皆有之。陳選方中用舉卿古拜二味。蓋切脚隱語以祕之也。此藥委有奇效。神聖之功。大抵產室但無風爲佳。不可衣被帳褥太暖。太暖卽汗出。汗出則腠理開。易於中風。便昏冒。記有一婦人產後遮護太密。閣內更生火。睡久及醒。則昏昏如醉。不省人事。其家驚惶。醫用此藥。佐以交加散。祝云。服之必睡。睡中必以左手搔頭。覺必醒。果如其言。

●交加散。治婦人榮衛不通。經脈不調。腹中撮痛。氣多血少。結聚爲瘕。產後中風。

生地黄五兩。研取汁。 生薑五兩。研取汁。

右交互用汁浸滓一夕。各炒黃。漬汁盡爲度。末之。尋常腹痛。酒調下三錢。產後尤不可闕。

●蒲黃散。治產後出血太多。虛煩發渴。

真蒲黃末。每用二錢。以水調飲下。渴躁甚者。新汲水調下。

●護胎方。治妊娠時氣身大熱。令子不落。

伏龍肝爲末。水調塗臍下二寸。乾則易。瘥卽止。又取井中泥塗心下。乾則易。

●又方

浮萍乾者

川朴消

蛤粉

大黃

剉碎
微炒

藍根各一兩

剉碎

右爲末水調封臍上安胎解煩熱

●麻仁蘇子粥治婦人產後有三種疾鬱冒則多汗汗則大便秘故難於用藥唯此粥最佳且穩

●鹿屑湯治妊娠熱病胎死腹中

鹿角屑一兩 一碗葱白五莖豆豉半合同煎至六分去滓溫分二服極妙

●治婦人生產數日而下及胞衣死胎不下者方

用草麻七粒去殼研如泥塗足心纔下便急洗去此崔元亮海上方人但未知爾政和中一鄉人內

子產二日不下予令謾試之一塗俄頃便下自後常用極驗

衛生家寶產科備要卷第七

胎孕方

●人參白朮散治婦人經候不來身如病而無病脈滑大而六部俱勻必有孕也精神如故惡聞食臭或但嗜一物或大吐或時吐清水此名惡阻切勿作他疾治之

白朮一兩去蘆切、焙

人參半兩去蘆切、焙

丁香油者、剉碎、懷乾

甘草炙、剉各一分

右爲末每服三錢水一盞生薑三片同煎七分盞去滓溫服食前嘗驗之清晨意味佳自午後漸惡者是有孕無疑也

●千金半夏茯苓湯治妊娠惡阻病其證心中憤悶虛煩吐噦惡聞食氣頭眩四肢百節煩疼沉重多臥少起惡寒汗出疲極瘦悴

半夏湯泡七遍

茯苓去皮、剉碎

熟乾地黄水略洗、剉碎、慢火焙

各一兩二錢

橘皮去白

細辛去葉

人參去蘆、切片

白芍藥剉

旋覆花揀淨

芎藭洗、剉

桔梗去蘆、剉

甘草炙、剉

各八錢

右十一味爲籠末每服四大錢水一盞半生薑五片煎至七分盞去滓微熱服方有隨病加減及相繼合服茯苓圓並見千金本方

●枳殼散妊娠至五月以後能順氣瘦胎易產

枳殼八兩去穢、炒、秤

甘草四兩炙、秤、剉碎

右爲細末湯點二錢空心晚食前日兩服入月三服。

●陳逍遙水酒散能治妊娠百疾安養胎氣自五六個月以後常服至產時草薜之間痛當減半。

當歸洗去蘆須切 槐角擇淨炒香 枳殼去穰炒 川芎洗 貝母去心薑汁製一宿焙乾

右五味等分爲細末每服二錢水酒各半盞同煎至七分盞食空時服臨月日進兩三服。

●檳榔散治妊娠常若胸腹脹滿兩脇妨悶飲食不下四肢無力頻服能滑胎益氣。

檳榔剉 赤茯苓去皮剉 前胡去 各一兩 人參去蘆切片 白朮去蘆切片 芎各半兩。

陳皮去穰 枳殼去穰炒 各三分 甘草一分炙

右九味爲細末每服二錢水一盞薑三片棗子二個煎至七分盞溫服日兩服。

●治胎不穩坐臥不得安方。

木賊去節剉 川芎洗剉

右二味等分爲細末每服四錢水一盞入金銀同煎至六分盞去滓空腹溫服日三服取效。

●治妊娠偶因所觸或墜高傷打致胎動不安腹中痛不可忍方。

縮砂不以多少熨斗中熨火炒令熱透去皮取仁。

右爲細末每服二錢熱酒調下須臾腹中胎動處覺極熱卽胎已安。

●治胎動若胎已死卽下未死卽安及治血下心腹滿者如湯沃雪方卽用聖功川芎湯用大劑酒水各

半煎連三服取效。本方在後。

●千金蟹爪湯治妊娠閃撲、僵仆、失據、胎動轉上搶心、甚者血從口出、逆不得息、或注下血一斗、胎死不出、母氣欲絕、服此母即安、血亦止、當產者立下、未產者胎再安。

蟹爪半盞。以多為佳。

甘草炙。

桂去皮、剉、不見火。 各一兩。

阿膠一兩。剉碎、用蚌粉炒炮、起篩、去蚌粉用。

右以東流水十盞、煮前三味至五盞、去滓、入阿膠再煮至膠烊盡、頓服為佳、不能者分減服、一時辰間取盡劑、已不能飲者、幹開口灌之。

●又方治胎動及難產、子死腹中、若妊二子、一子已死、一子尚生、服之能令死者出生者安、與前千金蟹爪湯方同、唯不用桂耳。

●葱白湯治妊娠傷寒、頭疼、發熱、不可同常法治之、用此藥最穩。

大葱白十莖。去青、連鬚用、或小さく切す。

生薑二兩。切碎。

右用水二椀、煮至一椀、去滓、分二三服熱服之、取效快。

●白朮散治妊娠傷寒。

白朮去蘆、切片、焙。

黃芩剉碎。

右等分、剉、用新瓦上炒香為細末、每服三錢、水一盞、生薑三片、棗子一枚、同煎至六分、盡、熱服、唯四肢逆冷、陰證見者、未可服。

●治妊娠傷寒大熱甚胎不安者方。

阿膠一兩。洗、剉碎、以蛤粉末同炒泡、起篩、去粉、候冷入碾。

右爲細末每服二錢竹瀝調下卒無竹瀝用小麥竹葉同煎湯調亦可。

●治妊娠傷寒大熱令胎不落方。

竈底黃土爲末。

右用新水調塗臍下周迴五六寸乾卽復塗頻頻爲之熱退乃止方或用酒及泔清調皆可。

●治妊娠小便卒不通方。

裹茶莢葉一兩。燒灰、研、滑石半兩。細研。

右同研勻每服一二錢用藹茶清調入生油二三點服只沸湯調亦得。

●又方

赤連珠甘遂。

右爲末每服一字至半錢湯調下。如喫了藥且不得服有甘草藥半日或一日綠二藥相反故也。

產前方

●榆皮滑胎散。妊娠入月宜服之多。往往坐蓐不覺胎下。如未入月不可先服。

榆白皮二兩。切、焙。

右爲細末。每服二錢。煎糯米飲調下。空心食前服。

●墨神散。催生及治橫逆生。服之卽順。

百草霜

右爲細末。每服二錢。用米醋。童子小便各少許。調成稀膏。沸湯浸至六分盞。溫服。

●催生桂散。有三五日不能產者。只一服。再服神驗。

官桂 去皮、曬乾、不得見火。

右爲細末。每服二平錢。沸湯或童子小便調下。

●治難產或橫倒生。或胎死不出。母氣欲絕方。

半夏 湯泡七遍、焙乾。

白欬

右等分爲細末。每服二錢。酒調下。不能酒者。湯調。小難一服。橫生二服。倒生三服。胎死四服。加瞿麥一倍。尤良。

●又方。治應于難產。胎衣不下。只三服。

以蛇皮燒過。或以銚子炒微黑。

右研細。入麝香少許。用熟湯調通口服之。每服一錢。

●又方

車前子 不以為少

右為細末用熟湯或小便調服二錢。

●又方

雲母粉半兩。

右以酒調二錢即產不順者即順下。

●易產方

當歸一兩半 去蘆須切

桑寄生半兩 揀淨

川芎一兩 剉碎

右為麤末每服四錢水酒各半盞煎至六分去滓通口服不計時。

●小琥珀散安胎氣調血脈應是產前產後血氣諸疾俱能療治神效。

川芎六兩 揀顆顆如核桃肉者生剉

川當歸去尖梢蘆頭淨四兩 好酒浸一宿慢火炙令黃色不得焦候冷切細

桑寄生二兩

右焙乾搗羅為末每服二錢水八分盞煎至六分卻入好酒二分更煎三兩沸溫服孕婦臨月空心一

服至臥蓐時胎滑易生惡物亦少新血便生臟腑自然不痛。

●下死胎方

朴消一兩

右為末每服二錢溫童子小便調下嘗因產試之極驗。

●下鬼胎方。婦人稱孕。坐產乃不下。有經三五日者。乃鬼胎也。

蜀椒二兩。去目。微炒。葱二握。桃頭枝十四枚。

右用水一斗。煮熟。乘熱傾盆器中。令婦人坐上。薰蒸之。當自散。

●治草蓐或產後血暈悶絕。兼治斃死。卒死。溺死。縊死等。謂之五絕。卒中風牙關緊。氣不通。用之亦驗。

生半夏一兩。

右爲細末。用一豆許。蘆管吹入鼻竅中。卽甦。

產後方

●牛膝湯。治胞衣不出。令胞自爛。

牛膝酒浸一宿。控乾。切。瞿麥剉。各一兩。滑石二兩。槌碎。當歸三分。去蘆須。切。通草一兩。

半切。葵子二合半。

右六味。用水九盞。煎取三盞。分作三四服。

●當歸建中湯。治產後虛羸不足。腹中疝痛。呼吸短氣。或小腹拘急。痛引腰背。不能飲食。凡產後一月內。

服三四劑。爲善。令人丁壯。古方云。產前安胎四物湯。產後補益建中湯者。謂此也。

當歸二兩。剉去蘆。秤。官桂一兩半。剉去皮。秤。白芍藥三兩。甘草一兩。炙。

右爲麤末。每服四錢。水一盞半。生薑五片。棗二個。同煎七分。去滓。入錫少許。再煎微熱服。空心食前。

日三服。如喜嘔人不用入錫。

●聖功川芎湯。治產後血虛迷悶。旋運耳鳴。不省人事。胸膈不快。惡心嘔噦。化惡血。生好血。尤治血崩。血
噤。亦治頭疼發熱。如傷寒證者。治病甚多。此產家之要藥也。

大芎半兩。當歸一分。去蘆

右二味細剉。作一劑。用水一盞半。好酒一盞。同煎至一盞半。分二服。如新產血未定。及平常飲酒少人。但只用水二盞。煎兩個六分盞。卻將童子小便添成二個八分盞服之。

●琥珀黑神散。治產婦十八惡證。凡臨產宜進一二服。能安神順胎。產後雖無疾。七日內亦日進一二服。能去諸疾。壓驚。若偶被驚恐。或變證。當連服取效。

琥珀別研如
麪細。辰砂別研。各二錢。麝香別研。好墨燒過
研。白殭蠶炒。各一錢。當歸末

鯉魚鱗灰。百草霜。白附子末。黑衣即籠額上倒掛黑塵。
無即以薰衣燒灰代。各三錢。

右十味研勻。每服二平錢。炒生薑酒和童子小便調湯。盪溫服。如產後崩中。狀似雞肝。寒熱閉悶。或產後四肢浮腫及寒熱。當先服此散。次服通宣圓。

●通宣圓

巴豆一十五粒。去心膜。生絹袋盛於礮灰汁中。煮十沸。取出。用紙厚裹。壓於重物下出油。研成霜。卻取黑神散三錢匕。無灰酒調成稀膏。入甕器中。於鑪內重湯煮令稠。入巴豆霜和令可圓。

右圓如菉豆大。每服五圓。熱水下。有村婦用毒藥落胎不能下。子爛於腹中臍穿。時出小骨。病極。朱子東遂用此圓下枯骨一具而愈。此圓頗難用。須審之。
●八味黑神散。治產後百疾。唯瀉而加喘者。本方不治。凡產後雖無疾。日進二服。能調血順氣。去諸疾。服七日止。

當歸去蘆頭。酒浸。焙乾。

白芍藥剉。

乾薑炮裂。

桂去皮。不見火。剉。

熟乾地黃焙。

蒲黃紙襯銚。炒香用。

甘草炙。剉。各半兩。

黑豆一兩炒。

右爲細末。每服二錢。溫酒米飲。童子小便。任意調服之。

●烏金散。治產後胞衣不下。或惡露不快。敗血衝心。血運狂語。不省人事。心煩躁渴。臍腹疼痛。嘔吐。發熱。增塞腫滿。或攻皮膚刺痛。凡產後半月內。雖無疾。宜日服之。有疾加進。

黑豆四兩淨擇。

黃連半兩去須。剉碎。

生薑四兩切作錢子。

當歸去蘆頭。露切。

蓬莪茂剉。

各一兩。

櫻皮二兩開撕。

右先下生薑。黑豆炒。直候薑將乾。次下黃連。當歸同炒。更候豆心透紫色。卽以櫻皮點火。入藥鑪中。與所炒藥同燃。至櫻皮成燼。卽傾淨地上。盆覆之。少頃。取爲細末。每服二錢。童子小便調下。

●劉寄奴飲。治產後惡露不快。敗血上攻。心。胸煩躁。大渴。悶亂。眼黑。旋運。或見鬼神。臍腹疼痛。嘔噦。惡心。不進飲食。

劉寄奴二兩擇去根。草。秤。

當歸一兩去蘆頭。切。焙。

甘草二錢剉。

右爲釐末。每服二錢。水一盞半。生薑七片。煎至七分。盞去滓熱服。凡治血暈藥。須乘閑煎下。以備急用。

●當歸一味散。治產後諸疾。調養血氣。王子亨指迷論。言產後不必服他藥。唯此一散足矣。

當歸三兩。去蘆須。切片。焙。

右爲細末。每服二錢。童子小便。或酒調下。日三服。從產下便服之。

●荊芥一味散。治血噤。中風等疾。取効爲快。無疾服之。能順氣。益血。清神。

荊芥穗。曬乾。不見火。

右爲細末。每服二錢。童子小便調下。七日後沸湯調。以當飲茶甚佳。

●秤槌酒。治產後疾最多。尤治兒枕不散作痛。

鐵秤槌燒通赤。

右淬一升醇酒中。候酒再溫。可飲飲之。調當歸末服尤効。

●豆淋紫酒。治產後中風。身痙直。或如角弓反張。

黑豆揀緊小者。淨篩一升。炒令煙出。以好酒三升浸。卽漉出豆不用。

右每服一小盞。能飲者加之。

●產婦忽患寒熱。如傷寒。時氣狀。切不可用麻黃藥發其汗。以亡津液多故也。宜服四物湯加桂服之。

四物湯方在後。

●治產後傷寒惡露不行腹脹煩悶欲死方。

朴消生 大黃生

右等分爲細末每服二錢取桃仁去皮尖及雙仁者碎之濃煎湯調下以通爲度樊彥取妻熱病小產後惡露爲熱所搏不行苦腹脹煩悶枯竭舌上如生針刺醫以朴消煎湯令漱口得稍潤用大黃煮醋調服一大錢得通快而愈與此略同。

●傷寒產後惡露爲熱搏不行煩悶脹喘狂言宜服抵當湯及桃仁承氣湯龐安常用之驗指迷論亦云。龐論云若服之十病十瘥。

●桂心牡礪湯產後頭疼身體壯熱兼治腹內急痛。

桂心一兩半略去皮不見火 牡礪燒通赤 白芍藥剉 熟乾地黄切 各二兩半 黃芩一兩剉

右件剉如麻豆每服抄四五大錢水一盞半煎至七分盞去滓溫服。

●增損柴胡湯治產後虛羸發熱飲食不進少腹脹等疾。

柴胡去苗水洗過控乾剉焙 人參去蘆切片焙 半夏湯泡七遍切片子 甘草炙 白芍藥剉 陳皮去白

芎藭洗剉

右七味等分爲釐末每服四五錢水一盞半生薑五片棗二個煎至七分盞去滓溫服日二三服不拘時。

●人參散治產後虛羸脾胃怯弱四肢無力不思飲食心腹氣脹

人參去蘆、切片

黃耆剉碎、用蜜湯拌銑內、慢火炒、次微焙

草豆蔻略煨、去

附子炮、製、去皮、臍、切片子

厚朴剉去蘆皮、薑

製一宿、次日取出曬、焙乾

各半兩 白朮去蘆、切片

當歸洗去蘆須、切片子、焙

木香剉、懷

川芎洗

白芍藥剉

桂去蘆皮、不見火

白茯苓去黑皮、剉

甘草炙、剉、各一兩

訶子皮

陳橘皮去白

高良薑剉碎、用油少許炒透、各一分半

右十六味為籠末每服四錢水一盞生薑五片棗子二枚煎至六分盞去滓溫服

●治產後惡露不絕

牡礪煨通、赤 龜甲好醋浸、炙黃

右等分爲細末每服二錢酒調下

●治產後洞泄不禁下青黑惡物神驗方泄瀉者惡露必不行蓋血滲入大腸爲瀉也分過則愈

荆芥四五穗大者烘乾

右於乾盞中燒成灰不得犯油火入研了麝香一米粒許用沸湯一兩呷調下藥微而能愈大病奇効不可

言

●治產後下痢赤白膿血方

白芍藥剉

熟乾地黃切、焙

各二兩

阿膠剉、用蛤粉末同炒

起篩去粉

艾葉揀淨、剉碎

當歸去蘆須、切片子

甘草剉、各一兩。

右爲麤末。每服六錢。水二盞。煎至八分。去滓。溫服。

●若產後大便頻。腹疼如痢狀者。傷於食也。宜服食藥。感應圓爲佳。他亦可用。產前飲食不著。未久而產。產後亦成痢狀。不必推求產後食飲多少也。

●治吹妳腫硬。須急用手忍疼毒揉之可散。不爾。當成乳癰。宜服此藥。

皂莢燒存性。研細。 蛤粉

右等分研勻。溫酒調下半錢。未散稍加。服藥次仍以手揉之。

●治吹妳。或兒絕妳後腫痛不可忍方。

栝藋一個去皮。先取子研破。殼。次同攪爛研。

右以酒漬。同熬數沸。去滓。浸冷酒。和令可飲。隨量飲之。令微醉。睡醒痛當頓除去。

●萬金散。治妳癰已破。兼治發背。腦疽。

瓜萐一個去枝。細剉。 生甘草半兩。沒藥一分研令

右同研。用酒九盞。石器中熬至三盞。分三服。疾輕者只一服。効。本注云。已救活數百人。

●通用四物湯。治婦人女子月事。或多或少。或前或後。妊娠腹痛。胎氣不安。產後血塊不散。或亡血過多。

或惡露不行。凡婦人之疾。無不主治。本方及加減法。如後。

當歸片去蘆須、切、焙

川芎洗、剉

熟乾地黄切、焙

雪白芍藥剉

右等分爲籠末每服四錢水一盞半煎至八分盞澄取六分清汁帶熱服平常產乳服至三臈虛弱人服至一月○妊娠下血加艾五七葉阿膠末抄一錢此每服也若疾勢重大小料未効當以四味各半兩細到不搗以水四盞煎取二盞半去滓分四服一日之中令盡爲度未効再服隨疾加減用藥○因虛致熱熱與血搏口舌乾渴加栝藎一兩麥門冬三分○腹中刺痛惡物不下加當歸芍藥各一分○血崩加地黃蒲黃各一兩○因熱生風加芎一分柴胡去苗半兩○身熱脈燥頭昏項強加柴胡去苗并黃芩各半兩○祕澁加大黃半兩桃仁一分去皮尖炒○泄瀉加桂附子一分○嘔加白朮人參各半兩○腹脹加厚朴枳實各一分○發寒熱加乾薑牡丹皮芍藥各一分○虛煩不得眠加竹葉人參各一分○煩躁大渴加知母石膏各半兩○水停心下微吐噦加豬苓茯苓防己各一分○虛寒狀類傷寒加人參柴胡防風各三分

此活人書加減法也大抵四物湯爲婦女要藥無所不治稍知藥性者皆可隨病加減治血方未有不本此湯因而增損以成者近時名醫有加香附子功用殊勝又有加蓬莪茂官桂各半兩名六合湯治經血凝滯潮熱腹中癍塊疼痛尤快皆以意加之也

◎追命散治婦女血癥積聚疼痛漸致經候隔絕稍失醫治便成勞瘵又治產婦危惡變證胎死上衝悶運欲絕及產後血運他藥所不能救者又治打撲傷損筋斷骨折及破傷風凡此等疾證候危惡醫工縮

手無藥可治。此能治之。有起死返魂之功。雖其人氣已死。但心頭尚暖者。灌之。藥下咽。可以再生。先用前鼻法。然後下藥。然神功異効。不可具述。半夏吹

半兩錢四五文。多尤佳。乃古文錢中。上作半兩字者。錢中有之。火煨通赤。淬醋中。不計次數。於醋底淘取。

淬下碎銅末。研之。籠礙乳鎚者去之。別以水淘澄。取如粉者。紙上滲乾。秤二錢一字。煨錢之法。取小鐵鎖匙。貫錢入

爐。生炭擁之。候通赤。以二鐵手鉗。用一鉗出火。一鉗夾鎖匙。入醋中。鐵物勿著醋。恐淬下錢屑也。再取錢。水洗過。上鎖壅。再煨之。如是數次。錢色如銀。即無可煨矣。本方用銅線穿煨。入火便斷。極費力。不可用。

巴豆去皮。殼心膜。秤三錢半。用酸漿水一盞。煮至水欲盡。焙乾。研如泥。

大黃錦紋緊實者。取八錢。用小便浸七日。每日一換。日足。濕紙裹。煨熱。薄切。焙乾爲末。秤取三錢半。

羊脛炭。即炭中圓細緊實如羊脛骨者。取三四寸。卻作十餘段。別以着炭同燒通紅。淬入醇酒中。如

是七遍。烘乾爲末。秤取半兩。

右四味合和。搗數千杵。乾薑罐子實築。臈紙密封。收高燥處。每一服。一字至半錢。濃煎當歸酒和小便

調下。消詳之。傷折即全用酒。多飲不妨。若產婦血未定。及素飲酒少人。即姑少借酒力行藥。多以童子

小便下之可也。此藥累立奇効。治者數人。皆垂死而復活。已折而復續。轉以與人。所濟又不知數。難產

悶絕而復蘇者。余今妻是也。故知此藥爲最審。傳者幸勿疑其眩。蓋不如此則不足以當奔敗之血。

且疾勢既危。固非平劑之所能愈也。服藥後。或如霍亂狀。勿恠。少選當自定。下利甚者。用前燒荊芥法

止之。此皆手試而親驗者。故併錄以傳。大抵此藥性緊。非大危急。不可妄服。此藥難成。非素備不可得也。每遇有妊娠

將產必合一料以備用。往往常有餘劑。藥成或轉以與親識之喜蓄藥者。故此藥所濟爲多。陸子正題婦人媿薦。命如垂縷。臨時濟急。全藉藥石之功。方書所載。雖已詳備。倉猝之際。非唯泛濫難於檢尋。且莫知其孰爲効驗者。妄投一藥。則不可復療。余得此本。皆撮諸家精要之方。累試累驗。乃廬倅陸子正手抄之書也。唯親舊間可以傳之。他人不可得而見。余雖不欲祕藏。而傳本未免訛繆。其爲害豈淺耶。今重校證。庶幾危急之時。閱此方如指諸掌也。嘉禾寓菴周澂題。

衛生家寶產科備要卷第八

形初保育

小兒初生將護法

巢氏病源小兒始生肌膚未成不可暖衣暖衣則令筋骨緩弱宜時見風日若都不見風日則令肌膚脆軟便易損傷皆當以故絮著衣莫用新綿也天和暖無風之時令母將抱日中嬉戲數見風日則血凝氣剛肌肉硬密堪耐風寒不致疾病若常藏在幃帳之內重衣溫暖譬如陰地之草木不見風日軟脆不任風寒又當薄衣薄衣之法當從秋習之不可以春夏卒減其衣不則令中風寒從秋習之以漸稍寒如此則必耐寒冬月但當著兩薄襦一複裳耳令不忍見其寒適當佳耳愛而暖之適所以害也又當消息無令汗出汗出則致虛損便受風寒晝夜寤寐皆當謹之其飲乳食哺不能無痰癖常當節適乳哺若微不進切當將護之凡不能進乳哺則宜下之如此則終不致寒熱也又小兒始生生氣尙盛無有虛損微惡則須下之所損不足言及其愈病則致深益若不時下則成大疾疾成則難治矣其冬月下之難將護然有疾者不可不下夏月下之後腹中常當小脹滿故當節哺乳將護之數日間又哺哺之當令多少有常劑兒稍大食哺亦當稍增若減少者此是腹中已有小不調也便當微將藥勿復哺之但當乳之甚者十許日輕者五六日自當如常若都不肯食哺而但飲乳者此是有癖爲疾重要當下之不可不下不下則

致寒熱。或吐而發癇。或致下利。此皆病重不早下之所爲也。則難治。先治其輕時。兒不耗損而病速除矣。小兒所以少病癇者。其母懷娠時時勞役。運動骨血。則氣強胎養盛故也。若侍御多。血氣微。胎養弱。則兒軟脆易傷。故多病癇。兒背須著帽。項衣取燥。菊花爲枕。枕之。兒母乳兒三時。摸兒項風池。若壯熱者。卽須熨使微汗。微汗不差。便灸兩風池及背第三椎、第五椎、第七椎、第九椎兩邊各二壯。與風池凡爲十壯。一歲兒七壯。兒大者以意節度增壯數。可至三十壯。唯風池特令多。十歲已上可百壯。小兒常須謹護風池。諺云。戒養小兒。謹護風池。風池在頸項筋兩轅之邊。有病乃治之。疾微謹不欲妄針灸。亦不用輒吐下。乃云。立夏後疾謹不欲妄針灸。亦不欲輒吐下。所以然者。針灸傷經絡。吐下動腑藏故也。但當以除熱湯浴之。除熱散粉之。除熱赤膏摩之。又以臍中膏塗之。令兒在涼處。勿禁水漿。常以新水洗。新生無疾謹不可逆針灸。逆針灸則忍痛動其五脈。喜因成癇。河洛間土地多寒。兒喜病瘧。其俗生兒三日。喜逆灸以妨之。又灸頰以防噤。有噤者。舌下脈急。牙車解急。其土地寒。皆決舌下去血。灸頰以治噤。江東地溫。無此疾。古方旣傳。有逆針灸之法。今人不詳南北之殊。便按方用之。多害於小兒。是以田舍小兒。任自然。皆得無此天。又云。春夏決定不得下小兒。所以爾者。小兒腑藏之氣軟弱。易虛易實。下則下焦必虛。益上焦生熱。熱則增痰。痰則成病。自非當病不可下也。

千金論。生兒宜用其父故衣裹之。生女宜以其母故衣。皆勿用新帛爲善。不可令衣過厚。令兒傷皮膚。害血脈。發雜瘡而黃。兒衣綿帛。特忌厚熱。謹之謹之。

聖惠論。凡小兒一朞之內。造兒衣裳。皆須用故綿及故帛爲之。不得以綿衣蓋於頭面。冬天可以袷衣蓋頭。夏月宜用單衣。皆不得著面。及乳母口鼻吹著兒顛。凡綿衣不得太厚。及用新綿。令兒壯熱。或卽發癩。特宜謹之也。

聖惠論。凡兒匍匐已後。逢物卽喫。妳母雖至細意。必亦不能盡覺。春夏必飲滯水。冷物。至秋初便皆疾作。初則多啼不食。或好伏地。面色青黃。或時腹痛。旣不解說。唯反拗多啼。或逢水漿便喫。不可制止。或睡中驚啼。或大便秘澀。常人唯知與紅雪。鈎藤飲子。此二藥終日在口。然自不見其效。況腹中滯結已多。冷熱衝擊頗久。二藥何能排去。所以得秋氣風吹着背心。脚心。便成瘡。痢。庸醫與冷藥。則傷滑不禁。與澀藥則氣壅不行。傷損臟腑。益令不食。遂使虛熱衝上面。黃髮焦。滯惡在內。手足如火。自然風水橫溢。四肢便腫。如此將養。十無一存。但每經春夏。不問有病無病。便須與四味飲子。多不三四劑。卽康強也。

嬰孺論。凡兒所以風者。衣暖汗出。風因而入也。

張渙論。嬰兒生後兩滿月。卽目瞳子成。能笑。識人。乳母不得令生人抱之。及不令見非常之物。百晬任脈生。能反復。乳母當存節喜怒。適其寒溫。半晬尻骨已成。乳母當教兒學坐。二百日外掌骨成。乳母當教兒地上匍匐。三百日臙骨成。乳母當教兒獨立。周晬膝骨已成。乳母當教兒行步。上件並是定法。蓋世之人不能如法存節。往往抱兒過時。損傷筋骨。切宜謹之爲吉。

張渙論。嬰兒冬月。但當着夾衣及衲衣之類。極寒卽漸加以舊綿。人家多愛子。乃以綿衣過厚。適所以爲

害也。

張渙論。嬰兒須看稟受南北之殊。用藥蓋地土寒溫不同。此古人之最爲謹也。嬰童寶鑑論。孩子春勿覆頂。裹足。致陽氣亡出。故多發熱。衣物夜露。多生天癩。三歲之中。勿太飽。勿太飢。臥須覆肚。食須飲水漿。若能如此者。則子少患而無天傷矣。

萬全方論。田舍婦人產育。皆不知小兒初生將護之法。所養有絕無他疾者。譬之凡草。凡木。生於深山。大澤之中。容易合抱。至於奇材異果。縱加培擁。間有不秀實者。此豈貴賤之理有異哉。蓋天之於物。出於自然。古人亦云。小兒始生。肌肉未成。不可暖衣。卽令筋骨緩弱。宜見風日。若都不見風日。卽令肌膚脆軟。便易傷損。皆以絮著衣內。勿用新綿。天氣和暖無風之時。令乳母抱兒。日中嬉戲。數見風日。卽血凝氣剛。肌肉硬密。堪耐風寒。以田舍小兒較之。此說尤長。

擇乳母法

千金論。乳母者。其血氣爲乳汁也。五情善惡。悉是血氣所生也。其乳兒者。皆宜謹於喜怒。夫乳母形色所宜。其候甚多。不可求備。但取不胡臭。癭癭。氣嗽。癆疥。癡癰。白禿。癰瘍。藩唇。耳聾。鼷鼻。癩癩。具此等疾者。便不可飲兒也。但見其故灸癩。便知其先疾之源也。

乳兒法

聖惠論。凡爲乳母。皆有節度。如不禁忌。卽令孩子百病並生。如是自曉攝調。可致孩子無疾長壽。是以春

夏切不得衝熱哺孩子。必發熱疔并嘔逆。秋冬勿以冷乳哺孩子。必令腹脹。羸瘦。乳母噴怒。次不得哺孩子。必患狂邪。乳母醉後不得哺孩子。必患驚癩。天癆。急風等病。乳母有娠不得哺孩子。必患胎黃及脊疔。乳母有疾不得哺孩子。必患癩癩。風病。乳母吐後不得哺孩子。必令嘔逆。羸瘦。乳母傷飽不得哺孩子。必致多熱。喘急。

乳母雜忌法

聖惠論。乳母忌食諸豆及醬。熱麵。韭。蒜。蘿蔔等。可與宿煮羊肉。鹿肉。野雞。鴈。鴨。鯽魚。葱。薤。蔓菁。蒿苳。菠薐。青麥。蒼蘆。冬瓜等食。若兒患疔。卽不得食羊肉及魚。又不得油膩手襖。裹及抱兒。又不得以火炙襖。襖熱時。便與兒著。令孩子染熱病。始終須謹。大抵冬中切宜戒之。若天大寒。以火炙衣被。且拋向地上。良久熟按之。冷暖得所。卽與孩子襖之。無妨。如乳母有夫。不能謹卓者。切須防備。儻新有過犯。氣息未定。便卽乳兒者。必能殺兒。未滿月內所驅使人。亦不得令有所犯。到於兒前。惡氣觸兒。兒若得疾。必難救療也。

哺兒法

姚和衆云。小孩初生七日。助穀神以導達腸胃。研粟米煮粥飲。厚薄如乳。每日研與半粟殼。錢乙云。小兒多因愛惜過當。往往三兩歲猶未與飲食。致脾胃虛弱。平生多病。自半年以後。宜煎陳米稀粥。取粥面時時與之。十月以後。漸與稠粥。爛飯。以助中氣。自然易養少病。惟忌生冷。油膩。甜物之類。

浴兒法

千金論。凡浴小兒湯。極須令冷熱調和。冷熱失所。令兒驚。亦致五臟疾也。凡兒冬不可久浴。浴久則傷寒。夏不可久浴。浴久則傷熱。數浴背冷。則發癩。若不浴。又令兒毛落。新生浴兒者。以豬膽一枚。取汁投湯中。以浴兒。終身不患瘡疥。勿以雜水浴之。兒生三日。宜用桃根湯浴。桃根、李根、梅根各三兩。枝亦得。咬咀之。以水三斗。煮二十沸。去滓。浴兒良。去不祥。令兒終身無瘡疥。治小兒驚辟惡氣。以金虎湯浴。金一斤。虎頭骨一枚。以水三斗。煮爲湯浴。但須浴卽煮用之。

拭兒口法

千金論曰。小兒初生。先以綿裹指拭兒口中及舌上青泥惡血。此謂之玉衡。若不急拭。啼聲一發。卽入腹成百病矣。千金翼云。成痞病死。

聖惠論。凡兒初飲乳後。以髮纏指。沾清水點拭了。看齒根上有黃筋兩條。便以葦刀子割斷。點豬乳便差。如兒口難開。但先點豬乳自開。

小兒集驗方云。小兒初生。每日以井華水或微溫水。將潔靜舊軟帕子裹乳母手指。蘸水撩拭小兒口中。因而捺舌及兩頰令稍寬舒。卽不生口噤。積熱、風疾等病。京畿與山東人多能之。謂之捺兒口。拭畢仍用少研細入麝香乾坯子煙脂塗口中。令兒美乳食。

小兒集驗方云。東平有一老嫗。善與小兒拭口。使不生鍊銀云。小兒上下脣與齒斷相連處。皆有一筋牽引。若上脣筋緊。卽生上煉。下脣筋緊。卽生下煉。上煉生瘡滿頭。或生眉間。如有癬狀。瘙痒不已。時復流出。

黃汁。汁至處。又生瘡。若下煉。則起腰。背漸至四肢。亦如癬狀。亦瘙痒。黃汁不已。若疾盛不治。或頭面上下相通。累年不效。又咬折。或成大疾。惟是每日早晨。取溫水一盞。令其乳母以故軟潔靜帕子。包手第二指。蘸溫水。拭兒口。水中渲下。又拭又捺。使兒口中淨。及捺上下筋。令寬舒。卽小兒自美乳食。諸疾不生。亦永無煉銀。惟使筋寬舒。是法。京畿見小兒失捺。變爲口噤不喫。或不解捺。而生煉銀者。不可勝數。

斷臍法

千金論曰。凡斷臍。不得以刀子割之。須令人隔單衣物咬斷。兼以暖氣呵七遍。然後纏結。所留臍帶。令至兒足趺上。短則中寒。令兒腹中不調。常下痢。若先斷臍。然後浴者。則臍中水。臍中水則發腹痛。其臍斷訖。連臍帶中多有蟲。宜急剔撥去之。不爾。入兒腹成疾。斷兒臍者。當令長陸寸。長則傷肌。短則傷藏。若不以時斷。及按汁不盡。則令暖氣漸微。卽自生寒。令兒臍風。

嬰童寶鑑論。小兒斷臍云。凡小兒生下。可先浴而後斷臍。及可以衣襖而口齧之。不然。則刀斷。如刀斷者。則以剪刀先於懷中厭令暖。方用。又斷之。則臍帶不可令長。只如子足長短。短卽中寒而傷藏。長卽傷膚。先斷而後洗。卽令水入臍中。孩子多天病。痛苦啼叫。面青黑。爲中水患也。臍若短。卽腹中不調。常下痢。有中寒之患。其臍不可傷動。傷動卽令久不乾。如不乾。卽傷外風。傷外風卽口噤。小兒不可救也。祕要指迷論曰。嬰兒初生。剪去臍帶。切令剪刀煖。不可傷冷。及外風所侵。

灸臍法

聖惠云。小兒生一宿。抱近明無風處。看臍上有赤脈直上者。當時於脈盡頭灸三壯。赤散無患矣。

裹臍法

千金論。凡裹臍法。椎治白練令柔軟。方四寸。新綿厚半寸。與帛等合之。調其緩急。急則令兒吐。兒生二十日。乃解視臍。若十許日兒怒啼。似衣中有刺者。此或臍燥還刺其腹。當解之。易衣更裹。裹臍時閉戶。下帳。燃火。令帳中溫暖。換衣亦然。仍以溫粉粉之。此謂冬時寒也。若臍不愈。燒絳帛末粉之。若過一月。臍有汁不愈。燒蝦蟇灰粉之。日三四度。千金翼云。燒蝦蟇灰。治末粉臍中。又云。若臍未愈。乳兒太飽。令兒風臍也。若臍中水及中冷。則令兒腹絞痛。天糾啼呼。面目青黑。此是中水之過。當炙粉絮以熨之。不時治護。臍至腫者。當隨輕重。重者便灸之。乃可至八九十壯。輕者臍不大腫。但出汁時時啼呼者。擣當歸末和胡粉傅之。炙絮日熨之。至百日愈。以啼呼止爲候。若兒糞青者。冷也。與臍中水同。

甘草法

葛氏肘後方。小兒新產出。未可與朱蜜。取甘草如中指節。炙碎。以水二合。煮取一合。以纏綿點兒口中。可得一蜺殼止。兒當便吐胸中惡汁。此後待兒飢渴更與之。若兩服並不吐。盡一合止。若得吐惡汁。兒智惠無病。

黃連法

小兒集驗方云。凡小兒初生。必有惡汁留於胸次。若不消去。卽胸膈壅塞。易生蘊熱。驚癇瘡癩。皆由此也。

故小兒纔生。一臘之內。用好肥黃連數塊。槌碎。每少許厚。以綿包裹。如妳頭狀。湯內浸成黃汁。時復拈搥一二點。在小兒口內。卽惡汁自下。乳食便美。其後或間以朱蜜與之。若見惡汁已下。卽已有只用空綿包。別浸黃連。蘸苦汁與之者。

豬乳法

千金論曰。凡新生小兒。一月內常飲豬乳大佳。

聖惠法。凡取豬乳。須令豬兒飲母次。便提豬兒後脚起離乳。急掙之卽得。空掙無由得汁。張渙論。嬰兒初生滿月內。常時時旋取豬乳滴口中。最爲佳矣。

藏衣法

外臺崔氏。凡藏兒衣法。兒衣先以清水洗之。勿令沙土草污。又以清酒洗之。仍內錢一文。在衣中。盛於新瓶內。以青帛裹其瓶口上。仍密蓋頭。且置便宜處。待滿三日。然後依月吉地。向陽高燥之處。入地三尺埋之。瓶上土厚一尺七寸。唯須牢築。令兒長壽有智惠。若藏衣不謹。爲豬狗所食者。令兒癩狂。蟲蟻食者。令兒病惡瘡。犬鳥食者。令兒兵死。近社廟傍者。令兒見鬼。近深水洿池。令兒溺死。近故竈傍。令兒驚惕。近井傍者。令兒病聾盲。弃道路街巷者。令兒絕嗣無子。當門戶者。令兒聲不出耳聾。著水流下者。令兒青盲。弃於火裏者。令兒生爛瘡。著林木頭者。令兒自絞死。如此之忌。皆須一謹之。

外臺崔氏又安產婦及藏衣天德月空法。

正月、天德在丁、月空在丙壬。
二月、天德在坤、月空在甲庚。
三月、天德在壬、月空在丙壬。
四月、天德在辛、月空在甲庚。
五月、天德在乾、月空在丙壬。
六月、天德在甲、月空在甲庚。
七月、天德在癸、月空在丙壬。
八月、天德在艮、月空在甲庚。
九月、天德在丙、月空在丙壬。
十月、天德在乙、月空在甲庚。
十一月、天德在巽、月空在丙壬。
十二月、天德在庚、月空在甲庚。

凡藏兒衣，皆依此法。天德、月空處理之。若有遇反支者，宜以衣內新瓶盛，密封塞口，掛於宅外福德之上，向陽高燥之處，待過月然後依法埋藏之，大吉。

外臺崔氏又法：甲寅旬日，十日不得藏埋兒衣，以瓶盛密封，安置空處，度十日即藏埋之。

外臺崔氏又法。甲辰、乙巳、丙午、丁未、戊申。此五日亦不藏兒衣。還盛瓶中。密塞勿令氣通。掛著兒生處。過此五日卽埋之。亦不得更過此日。

外臺崔氏又法。甲乙日生兒。丙丁日藏衣吉。丙丁日生兒。戊己日藏衣吉。戊己日生兒。庚辛日藏衣吉。庚辛日生兒。壬癸日藏衣吉。

子母祕錄藏衣法。先用一罐盛兒衣。先以清水洗。次以清酒洗。次入大豆一合。次小豆一合。次城門土。市門土。獄門土。葱園中土。韭園中土。各一合。重重覆之。上用五色帛各一尺五寸。重重繫罐口。上用鐵券朱書云。大豆某胡去無辜。小豆歷歷去子癬。城門土見公卿。市門土足人行。獄門土辟盜兵。葱韭園土剪復生。與兒青。令兒壽命得長生。與兒赤。令兒身命皆清吉。與兒白。令兒壽祿皆千百。與兒皂。令兒長壽不衰。老與兒黃。令兒清淨去百殃。急急如律令。將此令於一尺二寸鐵葉上。先用淨墨塗遍。上以朱砂寫此語。令在上。置在罐口上。且放便處。待滿三日。然後於月吉向陽高燥之處。入地三尺埋之。罐上令土厚一尺七寸。唯須牢築。使兒長壽。有智慧。

剃頭法

外臺崔氏初剃兒頭良日。

寅丑日吉。丁未日凶。

集驗方。京畿初剃小兒頭。不擇日。皆於滿月日剃頭。蓋風俗所尚。前此產婦未得出房。滿月卽與兒俱出。

以謂胎髮穢惡。多觸神竈。小兒不安。故此日必剃頭而出。剃頭於溫暖避風處。剃之。剃後須以生油、杏仁、膩粉頭上擦之。以辟風邪。其後小兒剃頭亦宜用此。

禳謝法

外臺崔氏禳謝法。

軒轅者乾神。天丞相使者風伯。犯之令兒驚吐。可取梨枝六寸埋生處。大吉。

雷公者震神。太陰使者天馬。犯之令兒煩悶腹滿。解之以三屠家肉爲餅。於產處謝之。大吉。

咸池者坎神。天之雨師使者。犯之令兒啼不止。用羊脯酒於生處謝之。

豐隆者艮神。天之東明使者。天僕也。害氣。犯之令兒乍寒乍熱。大腹。以白魚二枚於生處謝之。又大豆

一升。投井中。亦大吉。

招搖者坤神。天上使者。犯之令兒驚空囁不止。以酒餅生處謝之。卽愈。

天候者巽神。天一執法使者。犯之令兒腹脹。張服。以白魚二枚於生處謝之。吉。

吳時者離神。天一將軍遊擊使者。犯之令兒驚。腹痛。用馬脯五寸於生處謝之。吉。又以白魚五枚。并棗

餅埋其生處。吉。

大時吉。兌神。小時北斗使者。犯之令兒腹脹下痢。解之以酒脯於生處謝之。又以大豆一升。投井中。吉。

犯月殺者。令兒驚啼。用丹雄雞血於生處謝之。吉。

犯白虎者。用稻米一升。雞子三枚。於生處謝之吉。黍米亦得。

犯大夫者。用羊肝三枚。及稻米一升。於生處謝之吉。又用雞。羝羊脾。黍米亦得。

犯日遊者。令兒口噤。色變欲死者。用三屠家肉麥飯。於生處謝之吉。

初生不作聲

千金論云。兒生落地不作聲者。取暖水一器灌之。須臾當啼。又云。兒生不作聲者。此由難產少氣故也。可取兒臍向身卻捋之。令氣入腹。仍呵之。至百度。啼聲自發。亦可以葱白徐徐鞭之。卽啼。兒始生卽當舉之。遲晚則令中寒。腹內雷鳴。乃先浴之。然後斷臍。

初生不喫奶

巢氏病源。小兒難乳候。凡小兒初生。看產人見兒出。急以手料拭兒口。無令惡血得入兒口。則兒腹內調和。無有病疾。若料拭不及時。則惡血穢露。兒咽入腹。令心腹痞滿。短氣。兒不能飲乳。謂之難乳。又兒在胎之時。母取冷過度。冷氣入胞。令兒着冷。至兒生出。則喜腹痛。不肯飲乳。此則胎寒。亦名難乳也。

初生吐不止

錢乙論。初生下。拭掠兒口中穢惡不盡。咽入喉中。故吐。凡初生急須拭掠口中。令淨。若啼聲一發。則咽下多生諸病。

初生有懸癰病

千金論曰。小兒出腹六七日後。其血氣收斂成肉。則口舌喉頰裏清淨也。若喉裏舌上有物。如蘆籜盛水狀者。名懸癰。有脹起者。可以綿纏長針。留刃處如粟米許大。以刺決之。令氣泄。去青黃赤血汁也。一刺之。止。消息一日。未消者。來日又刺之。不過三刺。自消盡。餘小小未消。三刺亦止。自然得消也。有着舌下如此者。名重舌。有着頰裏及上齶如此者。名重齶。有着齒斷上者。名重斷。皆刺去血也。

初生有重舌

巢氏病源。小兒重舌候。小兒重舌者。心脾熱故也。心候於舌而主於血。脾之絡脈。又出舌下。心火脾土。二藏母子也。有熱即血氣俱盛。其狀附舌下近舌根生。形如舌而短。故謂之重舌。

●葛氏肘後治卒重舌方

用燒蛇蛻皮爲末。唾和塗舌上。即差。又用釜下土。苦酒和塗舌上。

初生着噤

巢氏病源。小兒噤候。小兒初生。口裏忽結聚。生於舌上。如黍粟大。令兒不能取乳。名之曰噤。此由在胎時熱入兒藏。心氣偏受熱故也。

長樂朱端章以所藏諸家產科經驗方編成八卷。刻版南康郡齋。淳熙甲辰歲十二月初十日。

